





John Carter Brown
Library
Brown University

JOHN CARTER BROWN
LIBRARY

Purchased from the
Trust Fund of
Lathrop Colgate Harper
LITT. D.

Agosti, Geron. Olivera





HIERONYMI OLII

VERII AVGVSTI BERGOMAS

tis Phisici, Poëtæq; Laureati.

DE IMPERIO ROMANO, IN

pristinam Gentem & dignitatem resti-

tuto, LIBER vnicus.

EIVSDEM, DE PARTITIONE OR-

bis: Libri quattuor.

ADDITA EIVSDEM NONNVLLA

EPIGRAMMATA.



THEORY OF

PLATE



CAROLVS QVINTVS DIVI
na fauente clementia Romanorum Impē
rator Augustus, ac Germaniæ, Hispania
rum, vtriusq; Siciliæ, Hierusalem, Hunga
riæ, Dalmatię, Croatiæ et c. Rex. Archie
dux Austriæ. Dux Burgundiæ, Brabantia &c. Co
mes Habsburgi, Flandriæ, Tyrolis &c. Erudito no
stro & Imperij sacri fideli dilecto Hieronymo de Au
gustis poëta Laureato, Gratiam nostram Cæsaream,
& omne bonum.

Quemadmodum apud veteres in bello, qui vel mu
rum primus ascenderat, vel ciuem morti subduxerat,
corona vel murali, vel Ciuica donabatur. Ita digna visa
res est, vt ingenij ac rerum scriptoribus suus honor ac
dignitatis gradus statueretur. Et quoniam carminis
vfus oratione soluta antiquior existimatur fuisse, non
immerito antiquitus vsitatum est, vt qua Ductor exer
citus ob victoriam corona decorabatur, Poëta quoq;
ob memoriam rerum quam scribendo fecisset, æterna
fronde Lauri ornaretur, tanquam meritū vtriusq; par
esset. Illius quod egregiè bellū gessisset, huius quod e
gregiè gestum ab iniuria obliuionis assereret. Hūc mo
rem nos Diuorum Imperatorum prædecessorum no
strorum exemplo seruantes: ut ornata aliquando vir
tus tua acrius in posterum se extolleret, & ad fortium
Heroum laudes celebrandas vltèrius inuitaretur.

Attendentes ingenij tui candorem, & artis Poëtice per
ritiam ac veng felicitatem, cuius amplam apud nos de
gustationem dedisti. Proinde animo deliberato ex cer
ta sententia & auctoritate nostra Cæsarea te prænomi

natum Hieronymū de Augustis, per Laureæ impositionē Poëtam Laureatū fecimus, creauimus, ereximus & insigniuimus, ac tenore presentīū facimus, creamus, erigimus & insignimus volentes, & eadem Imperiali autoritate decernentes, vt tu præfate Hieronyme ubiq; locorū & terrarū pro vero Poëta Laureato reputari, et teneri, & deinceps quibuslibet honoribus, priuilegijs, libertatibus, gratijs & prærogatiuis gaudere & potiri possis, et valeas, quibus ceteri Poëtæ Laureati gaudent, fruuntur, & vtuntur consuetudine vel de lure, contradictione & impedimento cessantibus quorumcunq;. Quocirca mandamus vniuersis et singulis principibus Ciuitatibus, cōmunitatibus, Vniuersitatibus, ac cæteris nostris, & Imperij sacri subditis, & fidelibus, cuiuscūq; status gradus cōditionis aut dignitatis extiterint, vt te præfatū Hieronymum de Augustis hac quam tibi largiti sumus dignitate, & prærogatiuis, ac insignibus, et officijs eius per totum Romanum Imperiū & vbiq; locorum frui, & gaudere permittant. In quantum gratiam nostrā caram habeant, ac præter nostrā & Imperij sacri indignationē, pœnam decem Marcharum auri puri cupiant euitare, quarū medietatem Imperiali Fisco seu Ærario nostro, reliquā vero partem iniuriā passis vñbus, toties quoties contrafactū fuerit decernimus irremissibiliter applicandam. Harum testimonio literarū manu nostra subscriptarum, & sigilli nostri impressione munitarū. Dat: in ciuitate nostra Mediolani, Die vigesima quarta mensis Augusti, Anno Domini Millesimo quingentesimo quadragésimo primo. Imperij nostri vigésimo primo. Et Regnorum nostrorum vigésimo sexto.

SERENISSIMO PRINCIPI PHILIPPO,

Diui Caroli Quinti Imperatoris Maximi

Inuictissimiq; Filio vnico, Hieronymus Oliuerius Augustus.

S.



ON sine gratia, ac veterum exemplo, receptus mos est, Inuictissimi ac Clementissimi animi Rex: vt qui ocio magis quàm negotio

idonei essent, et ad scribendum quàm agendum promptiores haud pari fortuna vitam agerent, si se librosq; suos ingeniorum fœtus patrocínio & auctoritati eorum, qui in rebus gerendis magni claritq; haberentur, committerent; vt ab illis suscepti auctiq; veluti mutua dignitate iuuarentur. Neq; vicissim rerum gestarum autoribus scriptores inutiles fuere: nam quum eorum facta in occulto esse nō sinant, ad benè præclareq; agendum illis animum addiderunt. Ita scribendi vis, agendiq; mutuo grataq; vicissitudine coalita ac sustentata, maior impendio se ipsa euasit. Ego quoq; quum huic literario ocio apprimè deditus fuerim, Cæsarisq; rerū gestarū admiratione captus, Librum de Imperio Romano in pristinam gentem et dignitatem restituto carminibus conscripserim, neminem te vno potiore habui cui dedicaretur. Quis enim Cæsaris nomen libentius legeret? quis de laudibus illius & gloria disserentem maiori cum alacritate auscultaret? quàm filius? Et is profectò qui maximè alienus esset ab Alexandri Macedonis vitijs superbia ac temulentia, quibus ille percitus patris Philippi laudatorem amicum in conui-

nio trucidauerit. Quanquam tu quidem Philippe fortissime omnium simulq; prudentissime Rex, non Alexandri Magni mores vel fugiendos vel sequendos præ oculis vt habeas oportet: neq; virtutis aliunde exempla tibi petenda sunt: quum ex familia maioribusq; tuis præstantissimis Regibus atq; Imperatoribus, ac nunc potissimum ex Patre Cæsare clarissima viraq; virtutum omniũ Imperialiumq; ornamentorum documenta in dies haurias. Tuq; ita natura diuinocq; Numine institutus sis, vt benè agere proum tibi facileq; ac liberum sit. Etenim Reges in manu Dei sunt, & illis plerisq; nascentibus diuinissimum aliquod præter cætera Numen attribui, quo regantur, ac regant, persuasum est: vt sequens Epigramma testatur in filij tui natiuitatem, iam tum à nobis editum, quum natum tibi puerum ceu sidus Hesperij effulsisse auditum est: Quod sic habet:

In lucem puer emicuit, quo pulchrius astrum
Idalio nunquam prodiit è gremio:
Formosoq; datus custos pulcherrimus vni
Supremum irradians Spiritus ante Iouem.
Spiritus Hesperia regnis delecta potestas:
Crescat, & Hesperiam seruet vtramq; Puer,
Et quum iura dabit, populis quum bella mouebit,
Præsenti assistens numine cuncta regas.

Sed vt ad institutum redeam, hos meos labores & quicquid hoc est operis numini tuo Rex dicamus: Patrisq; tui laudes tibi consecramus: quibus equidẽ ve-

rerer magis offudisse tenebras q̃ lucem attulisse, sed
quæ per se illustrissimæ sunt atq; immensæ, vt à me nec
illustrari nec augeri, ita pariter nec obscurari necq; mi-
nui potuerant. Illum etiam nolim in animis cuiusquam
scrupulum ac suspicionem relictam iri; non ex consciens-
tia me, sed assentandi causa inductum fuisse. Imò ego ve-
stra ope & gratia qua nil homini hac tempestate optabi-
lius euenire posse arbitror, libenter carerem potius, q̃
vllis anam merito existimãdi darem, me tanquam tibi
cinem quendam, aut buccinatorẽ, gratiæ luciue
spem aliquam, non verum sanctumq; spectas-
se, quantum poëtice ratio postulabat;
quæ veris falsa, sancta profanis,
varietatis interdum orna-
tusq; causa commi-
scere gaudet.

Principium in rebus vnumq̃ optabile summum est,
Ac generis veluti gloria apexq̃ sui.
Sic auro assurgunt Veneris Lunæq̃ metalla:
Sic Homo viuentum continet omne genus:
Sic genus humanum admirans te maxime Cæsar
Suspicit o sœcli gloria apexq̃ tui.

DE IMPERIO RO

MANO IN PRISTINAM GEN

tem & dignitatem restituto, Liber vnicus;

Palinarchia.

IActatum Imperium canimus, reuocataq; regna
Romuleam in gentem, Diuumq; ut iussa secutus
Austrius afflictis rebus succurrerit Heros.
Rex qui terrarum libras fundamina, & alma
Luce sedes, circum rutila caligine sæptus:
A quo principium est, in quem se versa resoluunt
Omnia; quicq; Patrem fidis mortalibus æquum
Conciliās, iustosq; facis cœloq; potentes:
Quæ tantæ campis acies? quo crimine diris
Exarsisse odijs tot feruere bella dedisti?
An genus electum atq; æterna mente repostum,
Ter quater ut fustum liquidis fornacibus aurum,
Tentari interea placuit? cœloq; probari?
An vitia exagitas? & ferri vindice virga
Castigas? an quæ tantorum causa malorum?
Vt sacrum Imperium Romanaq; frangere Sceptra
Vndiq; certatim totus concurrerit orbis.
Hinc belli nimbus pluuiō conflatu ab Austro:
Illinc horrendum septem intonuere Triones;
Romanosq; apices quassans tulit ærea grando:
Nunc Oriens furit insultans; nunc omnibus armis
Ingruit Occāsus; decus hoc auertere terris
Ausonium connixi omnes, & perdere ferro.
Hos noua permouit clarantis gloriæ belli

B

Hos prædæ studium, furisq; agitata libido
Vindictæ stimulat, veterisq; iniuria damni:
Hi fato, rerumq; vicem ducentibus astris:
Hi meliore solo, & mitis dulcedine Bacchi
Illecti; ast alij cœli leuioribus auris:
Inuasere nouas sedes, turbasq; ciere
Imperio ingentes; alij, (qui plurimus ordo est)
Sublati scelere, scelerumq; autore superbo
Dæmone, & armata flammis hortante Megæra:
Imperij spreuere animis mandata rebelles:
Et quos oppetere, aut stricto consistere ferro,
Romana decuit pro Maiestate feroces,
Mutauere fidem, & contra valida arma tulere:
Aut coniuratum procul exciuiere Tyrannum,
Immanem Christi & Romani sanguinis hostem,
Crudeles; & pressa graui non pondere tellus
Hiscit; & immeritis aperit Sol lumina terris?
Quum tamen Augusto fuerit non sanctior vlla
Imperio, aut olim Superis tam nota potestas:
Quippe quod exactis Itala virtute tyrannis.
Creuerit, inculto leges descripserit Orbi,
Et Diuis Cœlum, & sacras altaribus ædes
Auxerit, atq; pios domina ditauerit vrbe.
Imperium Deus ipse dedit, Deus omine sanxit
Æternumq; coli statuit, quum Cæsare terras
Principe respexit celsa miseratus ab arce:
Et quum factus homo, ac vitalibus editus auris.
Audijt Imperium, atq; emissio primus in orbem
Paruit edicto, signataq; Cæsaris æra
Cæsaribus, reddiq; suos mandauit honores:

Nec cessere Deo tamen, at fatalibus ausi
Se conferre aquilis, infestaq; tollere signa:
Hinc toties fuso manantes sanguine riui:
Hinc desolati cæsis cultoribus agri:
Tot populi, magnæ quondam torfunditus vrbes
Interiøre: nec Imperij pereulsa potestas
Occubuit: sedet hæc adeo semperq; sedebit
Auferet arreptum donec vapor vltimus orbem:
Illos excidium tanquã Camerina mouentes
Stagna, manet, bello Imperium quicunq; la cessunt.
Nam neq; Cherusci, aut proceri impune Britanni
Defecere: nec auersis manus aspera telis
Romanos tam sæpe suo sine sanguine fudit:
Iudæum extorrem patria, regnoq; carentem
Fluxaq; fides, duræq; innata superbia genti
Cladibus affecit meritis: tum Caspia claustra
Finibus effusus Scythicis perrupit Halanus:
Tum pacare auro Dacos Romana perenni
Instituit desueta cohors peruincere ferro:
Nunc tantæ penè absumptæ cum nomine gentes.
An memorem Cattsos? infidaq; pectora quondam
Marcomanos? referam Persas, qua cæde suorum
Imperio victor subduxerit Artaxerses?
Aut ferus insultans victis in terga saporos?
Cyzicon inuecti populataq; littora Thracum
Atriuere Scythæ, atq; Asiam terroribus omnem
Compleuere, nec exiguo cessere cruore.
Hinc veluti ingenti circum voluente procella,
Quas non Imperij terras truculentus obiuit,
Afflixitq; Geras? & tum Marte resedit iniquo.

Fœmina quinetiam Romanum euadere sceptrum
Haud verita est, solis Arabum dum regnat arenis
Zenobia: & Syrijs incumbens Marnia regnis.

Hac vexata tenus steterat tamen inclyta virtus,
Quum res emotæ Æneadum, & fortuna labare
Incipit, & iam iam versis procumbere fatis:
Quæq; scelus pertæsa Ducum Romana suorum
Nuper in externos fuerat collata potestas,
Mox etiam curibus, fataliq; vrbe relicta,
Proh dolor auspicijs monitisq; inducta sinistris,
Hellespontiacas longè migravit in oras:
Diuisum Imperium, desolatiq; Latini:
Quum subita ex alto rumpens aquilone ruina,
Italix & Regum matri in caput incidit vrbi:
Ipse valens trucibus Thraco congressus in agro
Visigothis, pugna diuus fraudatur iniqua,
Hostiliq; manu comprehensus & ignibus ardet.
Olli Thraicijs campis, Rhodopeq; vagati,
Pannoniam ingenti tenuere examine, & oram
Illyricam: populant Carnosq;, & Norica regna:
Tum rapidi gentis coeunt in fœdera Reges,
Et Radagassus atrox armis, & Alaricus ingens,
Italiam inuadunt, nec vis aduersa retardat:
Quin penetrant montes, obiectaq; flumina tranant,
Ferreæq; Ausonidum perrumpunt limina, & urbem
Urbem olim donis Orbis spolijsq; refertam.
Quum vero extremæ diris exauستا rapinis
Barbarie, exacto iam respiraret ab hoste:
Ecce iterum Gothicis circumsistentibus armis
Obruitur, grauiusq; suis illa inclyta Roma.

Auxilijs frustrata cadit, cadit Itala virtus.
Interea Sueuis socijsq; instructus Halanis
Vandalus, immissa per Gallica culta phalange
Ibat, & Hispanos fines Libycosq; petebat
Victor, ouans latè flammis, & cæde cruenta.
Nec Romana quidem regno se tuta Byzanti
Arma diu tenuère, nouaq; interrita sede :
Namq; ab Hyperboreis vrgens exercitus Vnnis
Altus equis, Athilamq; ducem fratremq; secutus,
Illyrios, Mysosq; & iunctos ordine Thracas
Vndiq; vastabat, campoq; agitabat aperto :
Vnà omnes Gepidæ, Turcilingiq; Rugiq;
Quicq; Italas ductu terras Odoacris Heruli
Obsedère : miser positis Augustulus armis
Deferit Imperium : nec res ea cessit Herulis
Læta diu : sed dira manus inferre cruentas
Barbaries tunc orsa sibi, & se perdere pugna :
Namq; Theodoricus, quo non præstantior alter
Barbarus, euerfisq; Italum pacatior oris,
Ductor ab Ostrogothis populis excitus, in hostem
Mouit, & oppressum Latio deiecit Herulum.
Vandalicis etiam patuit Romana rapinis
Vrbs, non Imperij sedes, sed meta superbæ
Barbarie : qua decursu contenderet Orbe
Omnis, & effusis se concita ferret habenis :
Scilicet Oceano extremo Codanoq; relictis,
Huc, vnam vt caperent ruerentq; à stirpibus urbem,
Diuersi properare duces : ea præmia cunctis.
Vandalus aduectus Libya semel vrbe potitur :
At Torilas captam incendit, rursusq; receptam

Instaurat, postquam ira Gotho restincta furenti,
Tu quoq; non vnam Latio Peninsula pestem
Scandia ad extremum Boream summotula tulisti:
Quum Longobardi, Codanum & Boralia citra
Aquora prouecti populi, ferroq; secantes
Qua libitum est iter immensis decurrere terris,
Pannoniæ in campo cursum tenuere, fugata
Barbarie, quæ prima nouis confederat agris:
His dictu infaustum & nulli feritate secundum
Mos erat, in cæsi stratum sæuire cadauer
Hostis, & exemptam pateræ confingere in vsum
Caluariam, cranioq; meri se immergere pleno:
Inde perabsumptam ferro flammisq; vagati
Italiam, regnum tenuere insubribus aruis:
Nunc quoq; nomen habent terræ: sed sueta rapinis
Effera gens, longeq; intunsum pascere crinem,
Aut terris deiecta Italis, aut perdita bello est,
Aut Longobardi si quicquam sanguinis olim
Connubijs potuit nostris inolescere mixtis,
Ingenium cœli aspectu mutasse benigno
Crediderim, sociasq; animos comitate feroces.
Deniq; Normanis penitus vastata vocatis
Concidit vrbs: crepitant flammis, atq; ariete crebro
Tecta ruunt: cita pulueream dant rudera nubem:
Tum vero dignam Imperio deperdita formam
Amisit, veterumq; illud decus excidit omne.
Nec minus Imperium trepidis Orientis in oris
Turbatum, & sacra deiectum sede Byzanti:
Quem casum longè metuens, prudensq; futuri
Spiritus, augusti Imperij cui credita summa est,

Erigere occiduis Romana insignia Gallis.
Præuenit; ferriq; retro permissa Bizanti
Imperia, & varias pugnando insurgere gentes.
Ecce graues iaculis Persæ, mare & vltima Tygris
Flumina linquentes, magnamq; Semiramis urbem,
Assyriam inuadunt, atq; acri milite circum
Funduntur Solimam; nec longo temporis actu
Expugnant; oramq; Asiæ ditione præmentes
Australem, subeunt septemplex ostia Nili;
Deditur Ægyptus, victoribus Aphrica Persis
Deditur; Augustæ quondam res vndiq; fractæ.
Excipit hanc noua Thraiciæ fœdissima clades
Imperiij, latè Libyam quæ strauit, & omnem
Ægyptumq; Asiamq; & Romula reppulit arma;
Quum Nabatheæ phalanx, Petraq; emissâ iuuentus,
Quæq; sub Heraclio pubes Saracena merebat,
Imperiij fregere iugum; & sibi rege vocato
Maumetha, quo non stygijs emissâ tenebris
Tetrior Eoas vrbes inualit Erynnis,
Principio Persis captas victoribus vrbes
Eripiunt, ipsosq; ingenti cæde fatigant;
Inde per immensas magno ceu turbine terras
Delati, Libya atq; oris potiuntur Iberis;
Hinc ratibus simul innumeris, & classe parata,
Protinus obsessum terraq; mariq; Byzantium
Continuere diu; sed tum clarissima fatis
Vrbs defensa, manus aliq; ventura sub hostis.
Nec requies, missus Scythicis sed Bulgarus oris
Thraicios fines magno rumpente tumultu
Ingreditur, superatq; acie, & tum fœdere pacto

Vtraq; pacatæ cessit data Mysia genti:
Nec cohibere diu dextras potuere nocentes.
Nec veriti Assyriæ serui insultare Comani.
Atq; ea ludus erant, quum fonte grauissima rerum
Pernicies fluxit Scythico: postremaq; Parcæ
Eo Imperio deuoluere fata parabant:
Hinc genus obscurum Turcæ, quos Sarmatis ora
Caucaseos inter montes, syluæq; tegebant,
Effusi, primos ritu torrentis Halanos
In præceps rapere, & Colchos euertere, & omni
Armenia ingentes Otomano Rege vagari:
Inde opibus pariter, Saracena & fraude recepta,
Fœdere compositi, & geminatis viribus aucti,
Irrumpunt Asiæ fines, Trapezuntia frangunt
Imperia, atq; omnem terram ad Propontidis æquor
Arripiunt, Paphlagoniam, Bithynæq; regna,
Æoliam, Phrygiæq; duas, Lyciosq; Carasq;
Iamq; Byzantino Græci parere negantes
Imperio procures, equitum trans æquora turmas
Turcarum mercede vocant, primiq; vocatos
Senferunt hostes; ac tum parere subacti:
Græciq; infidos merito ergo infida tyrannos
Accepit, pedibusq; impuri aduoluitur hostis:
Ipsa etiam Constantino quæ principe sceptrum
Ceperat vrbs, Constantino sub principe capta
Deperit, heu quanto postremum euicta cruore.
Dum Turcæ Europæ atq; Asiæ ceruicibus instant,
Auspicijsq; suis & amico Marte feruntur,
Imperium in Gallis tutos non usq; receptus
Repperit; abductum sed enim successit ad oras

Teutonicas;

Teutonicas; lectisq; viris seruire coactum,
Quod dare iura mari terræ dare iura solebat:
Donec in Ausoniam longo post tempore gentem,
Romanosq; suos fato volente reuersum est.
Ergo iterum notam ad sobolem tot casibus actum,
Tot lacerum bellis redijt, carosq; nepotes,
Montis Auentini Comites: quibus Austria tellus
Paret, & hinc sumptum vertit domus Austria nomen:
Romula barbarico quoniam quassata tumultu
Mœnia quum caderent, & longa strage supremam
Æneadum genti properarent fata ruinam:
Tum gemini Fratres, quo semine Romula virtus.
Et genus, & prisca imperij seruata propago,
Deseruere domos, patrias, & cladibus urbem
Expositam varijs, ac seditione labantem:
Conuersiq; vale, uale, o pulcherrima rerum
Roma diu, & veterum effigies dixere parentum,
Petre, Leo, Stephaniq; parens, qui Maximus inter
Nomine Romanos fueras, & robore princeps:
Et quem Cæsaribus primis ab origine iunctum
Fama refert, veterum seriem quæ censet auorum:
Nos procul ignotas profugi decedere ad oras
Cogimur, & longè cara diuellimur vrbe:
En patria, en qui nos dulcèis aluere penates,
En aliquo fuimus qua non sine nomine colles:
Nunc ea sunt oculis, ea nunc dilecta supremum
Cernimus. hanc vocem gemitus lachrymæq; secutæ:
Olli contractis opibus atq; ære coacto,
Arripuere viam Rhetas quæ monstrat ad Alpes:
Et iam Vindelicos fines dictosq; Lucernæ

Deuenere lacus, primas ubi condere sedes
Saltibus atq; aruis illic coepere coemptis,
Tum memores patriæq; domus terræq; relictæ;
Urbe ab Auentina deflexa voce, dederunt
Nomen Auenburgo, quàm primū his finibus urbem
Erexere, suis actum data moenia terris,
Atq; ita Germanæ paulatim inolescere genti
Romulei fratres, quorum sibi comparat alter:
Insignem formæq; & nobilitate potentem
Indigenam vxorem, fortunatisq; Hymenæis:
Nominis istius princeps Albertus in auras
Vitales venit; quo mox genitore creatus
Primus ad Imperium (sic Numina sancta ferebant)
Accitus validas rexit Rodolphus habenas:
Hunc loca Danubij Drauiq; humecta fluentis
Accepere Ducem, regnatæq; gentibus arua
Austrarijs, Codano qua consedere relicto:
Ex illis tellus, ex hac Domus Austria dicta est
Maxima, Auenburgi Comitis cognomine misso.
Nec mihi sat memorare animi, quos illa decoros
Imperio, & pietate viros, quos fortibus armis
Illustres tulerit; quis enim satis ore canoro
Digna tot Albertis referens præconia condat?
Quis satis Othonem? quis propugnacula terræ
Christicolum merita Fridericos laude coronet?
Salue prisca Ducum soboles; domus inclyta Regum;
Induperatorum longa clarissima prole;
Leopidum Herneſtumq; pares virtutibus almis:
Semideos tu læta creas; te maximus ille
Consilio & grauitate Pater lætatur alumna

Maximianus, & inuicti vis alta Philippi:
Nec gemini fratres, qui nunc duo lumina Mundo
Clara micant, magnam non te agnouere parentem,
Carolus, egregijs & Ferdinandus in armis
Conspicui, pariterq; Deum mandata tuentes,
Commissumq; orbem: dirarum ex ore furentum
Dum populos, magnoq; gregem sudore receptant.
Qualis in Hercinia quum pastor ouilia sylua
Aut nemore Ardennæ, aut frondosi in colle Lycei,
Seruat agens: circumq; genus fremit omne ferarum:
Ille pedo innitens, malè tuta perambulat arua,
Albanumq; canem, & validos immittit lberos,
Infringitq; minas, Abigæosq; impiger arcet.
Qualis & obsessum monstribus immanibus Orbem
Liberat, & meritis implet loca cuncta tropheis,
Arctum ingressus iter cælo Tyrinthius Heros.
Talis & Imperio, & sceptris innixus auitis,
Omnia quum streperent, bello Procerumq; furori
Incumbens res humanas vetus atterit Hostis,
Imperij causam, atq; euerſi Carolus orbis
Suscepit, sanctamq; fidem, populosq; tuendos.
Hic maris & terræ sæuos meminisse tumultus
Est animus, notos nimium mihi sæpe labores:
Sed quis erit memori lachrymis modus: unde malorū
Principium, & scelerum tantorum exordia sumam:
Stabat enim grauib; ferro præcinctus in armis
Fulmineus Mauors: congestaq; funera tota
Italia immisſis furijs edebat, & altas
Scindebat vetitum sternens iter hostibus Alpes:
Nullum erat Imperium: sacri Ducis irrita iussa:

Vrbs vrbcnt vexare, domum domus, acta furore;
Hic varias in bella manus Insubribus aruis,
Hic rapit infestos populos: gemit vndiq; tellus
Italiæ: tristicq; furit fata Nocte propago:
Sunt etiam Gallis, sunt & sua funera liberis:
Nec semel amissam quæritur Germania pubem;
At pauidæ in tectis deserto limine matres
Stant flentes, natosq; procul fera bella secutos,
Deiectasq; solo, consternatasq; cohortes
Expectant: ac voce Deos venerantur inani:
Illæ etiam summi prospectum è culmine tecti
Sæpe petunt, reditum videant si forte ferentes:
Ah, miseræ, & vanis implent supera æthera votis.
Interea morientum Italis, & dira gementum
Auditur fragor in campis: tonat ignea cœlo
Machina: concussæq; ruunt à vertice turres,
Quis satis Ausoniæ casus? quis tristia possit
Supplicia, & tanti memorare incendia belli?
Fulminis in morem rapidi ruere omnia latè:
Certatim, & duri imperio res cedere Martis,
Fit fuga, debacchante procul prædone per agros,
Informes resident terræ, direpta cremantur
Villarum stabula alta, volant ad culmina flammæ,
Ac modo qui fuerat Dominus florentis agelli,
Infelix vinclis & belli fraude tenetur,
Tum cuneos clauosq; audit, tormenta parari
Dira sibi, & surdas gemitu nihil afficit aures.
Nulla pudicitiae species, nec gratia iusti,
Nec suus est templis honor, aut pietatis imago.
Ast alij raptas sceleris turpissima forma

Matronas ad stupra trahunt: quum protinus illæ
 Discindunt crinem, fœdant tenera vnguibus ora,
 Discurrunt alij in saltus, & strata viarum,
 Ah quoties miser offenso latrone viator
 Palluit, & calidum exacto dedit ære cruorem,
 Hinc ad tecta ruunt, validos nec sustinet ictus
 Ianua, rupta sonant crebra tabulata bipenni
 Exangues intus trepidant matresq;, viriq;,
 Et longis iterant flentes singultibus Eheu.
 Quid loquar euerfas immixtis hostibus vrbes?
 Templaq;, & absumptos flamma populante penates?
 Quid miseros toties odijs & crimine falso
 Mœrentis patriæ deiectos limite ciues?
 Aut furijs fessos sæui ingluicq; tyranni?
 Quos dare pro sulcis, tectiq; canalibus ingens
 Infecti pondus factiq; edicitur æris,
 Atq; moræ indictas vel sanguine pendere pœnas,
 Illi spontè nouas sedes sibi quærere, parto
 Exilio, patriamq; & dulcia linquere tecta,
 Desolati, inopes, animisq; & rebus egentes.
 Quid memorem pœnas; & lætiferos cruciatus?
 Vtq; aliqui hamatis mento tollantur in vncis
 (Supplicij genus) affixi laquearibus altis?
 Ast alios clauis diuersa in parte refixis:
 Quattuor intendant per humum (miserabile visu)
 Viuentesq; secant; ferroq; trementia vellant:
 Viscera? nec simplex alijs morsuè omnibus vna est.
 Dij quibus humanæ gentis custodia quondam
 Credita, si nondum vitij clementia cœli
 Succubuit nostris, penitusq; euicta recessit,

Respicite Italiam : casus miserescite nostros :
Pœnarum est satis atq; super : tuq; optime Cæsar
Cui Pater è cœlo diuinum aspirat honorem,
Adsis, & tristes fugiant te vindice Diræ.
Nec minus interea denso sedet aëre supra
Spicula contendens terris iratus Apollo :
Et pharetram exhaurit telis, atq; intonat arcu :
Intereunt populi, stygio super omnia regnat
Dira fames emissâ lacu : proh Numina quantos
Attulit hæc Italæ genti malè suada labores.
Talibus atq; alijs rabies Plutonia damnis
Merferat Italiam : qua tempestate furore
Barbarico, & belli grauibus vexata procellis
Pannonia, infelix pubem lugebat abactam,
Cum patribus natos, raptasq; in vincula matres,
Desertasq; domos, desolatosq; penates :
Quos ferro, & rapidis vastos dabat vndiq; flammis,
Argiium, Dolopumq; ferox, Scythiæq; iuuentus,
Atq; Gethæ, atq; vnâ Turcarum exercitus omnis :
Millia, Abydeno statuit quot littore ductor
Persarum, regno tumidus : quo tempore pontem
Indignatus atrox tergo furor Helleponti
Sustinuit, timuere vndæ, atq; exterrita cursu
Flumina, disiecti pressere cacumina montes
Exæquata solo : tali conamine Turcæ
Pannoniæ sese campi per aperta ferebant
Sublimes rapidis in equis : tremefacta resultat
Terra pedum pulsu : resonat clamoribus æther
Arduus : accenditq; animos præsentia Regis :
Et iam Danubij politis propè flumina castris,

Sub iuga Germanos rapiant, Italisq; minentur.
Indomitæ gentes: sumptis ea gloria in armis:
N. Pater omnipotens cœlo demittat aperto
Auxilium, Diuumq; aliquem: qui pectore motus
Excipiens belli tanti, populisq; furores,
Surgat in aduersos, trepidum dare terga coactis
Terrorem iniiciat, terram, & maria omnia soluat
Interclusa metu, miseris nec peruia nautis:
Quos rate centena vacuis turbabat in vndis
Barbarubens, prædo superis infestus & imis,
Deprensosq; dabat remis, grauiusq; cathenis,
Omnes vt longè à teneris vxoribus annos,
Et villa & cultis (quæ iam sua cura) uiretis
Exigerent, medio in ponto, nudoq; sub axe,
Nocteis atq; dies intenti pallida remis
Brachia, & horribili liuentia terga flagello.
Ille etiam exacto Byrsei rege Tuneti
Impius, iniusta Libyam ditione præmebat:
Et maria, & terras scelere, & cœlum omne replebat:
Immiscens fas atq; nefas. Quum stridor in auras
Vndiq; lugentum pariter sublatus, & ingens
Tollitur in cœlum ploratus, & vltima pulsat
Sidera: confusæ lachrymantum in compede voces
Insonuere Polo: timuitq; exterritus Orbis
Excidium, & metas æui aduentare per ignem:
Commoti superi: summo Deus optimus axe
Prospiciens, terris oculos conuertit & vndis,
Immeritosq; videt dantes, pœnamq; ferentis,
His iratus, & hos patrio complexus amore.
Tum sic ordinibus superis affatur ouantem:

Aligerum, iocunda Dei cui nuntia cura.
Spiritus in rerum Dominos delecta potestas,
Protinus Hesperiae fines, & Caesaris almi
I, pete conspectum, & ausum molire per auras
Nixibus alarum, & sacri gestamine sceptri,
Atq; illum tristi versantem pectore casus.
Imperij, euer sisq; auidum succurrere rebus,
Alloquere, his mandans animos attollere dictis.

Ante equidem (vt vanæ ritu mea prouida gentis
Fata loquar) tractabam animo, versataq; mecum,
Et repetita diu steterat sententia menti,
Scilicet infractas bellis res vertere fundo
Augusti Imperij, Romanaq; perdere iura,
Necdum etiam læto lustraram lumine, necdum
Attuleram iuueni egregio debentia regna,
Nec quis erat tantam merito cui credere molem
Deberem, & triplicem gemmis aptare coronam,
Quum noua me virtus illius, & inelyta factis
Dextera continuit, propiusq; inspecta repressit,
Ille mihi ex animo multis compertus ab annis.
Vnus, qui clauum & summi moderamina regni,
Vndiq; iam tantis bellorum vrgentibus vndis,
Viribus haud impar regeret, populosq; feroces
Iustitia, & pulchris superans contunderet armis,
Ille mihi pietate placens, ceu sidus ab alto
Conspicuum terris rutilo candore refulsit,
Iam tum adeo insignem bellis, & pace futurum
Sancta fides, & grata viri clementia coelo
Signabant, altaq; hærens constantiaq; menti,
His mutata mihi retro sententia cessit,

Romanosq;

Romanosq; apices rursus, sedemq; iacentem
Erigere est animus, veterisq; reponere Lauros
Imperij; neq; me placitis vis ulla mouebit
Præterea; neq; enim mutor, neq; flector ab alta
Mente Deus; iuuat extremis immittere terris
Victrices aquilas; cœlo quæ regna volantum
Dilectæ mihi magna tenent, et fulmina portant:
Ac nunc ingentem quoniam fert pectore curam
Cæsar, et afflicti pariter miseresчимus orbis;
Præstat aberrantes populos auertere falsis
Ritibus, atq; illis lacrymas depellere, tantos
Sedantem rerum præsentî numine motus
Ipsum, pacatis ingens cui gloria terris
Debetur, cœloq; sacri monstrantur honores.
Atq; ea quo poscam fieri cuncta ordine dicam
Ipse; tibi, tu dicta viro mea magna referto.

Est mihi præteritis nuncq; bene notus in annis
Orbis, et Hesperio latæ stant æquore terræ;
Quas vbi deseruit tenebris lux alma reductis,
Et reuoluta suo fulgent vaga sidera cœlo,
Protinus Eois Oriens assurgit ab Indis,
Astraq; phæbeos fugiunt pallentia uultus;
Hic mihi nullus honos templis; mihi nulla sacratur
Religio; neq; uera mei spectatur imago;
Quos sibi quisq; Deos statuit, ueneratus adorat:
Hinc omne auxilium, et cæcæ fiducia genti.
Continuo armatas igitur decedere classes
Littore ab Hesperio primis iube flantibus Euris:
His ego ad occiduum solem noua signa secutis
Æquora tuta dabo, et spirantes leniter auras:

Ipse regam, ac longe portus terrasq; patentes:
Monstrabo: quibus humanæ secunda salutis
Nuncia, & Imperium late ferat Austria proles;
Antipodumq; solo, & Paria, terræq; Laboris,
Curtanæq; & Spaniolæ, Iamicæq; Cubæq;
Et tandem positis circum, pius vndiq; terris
Carolus, ac notis ignotisq; imperet oris.
Præterea Hispanos illi componere motus
Cura sit; & regnis Arabum depellere pestem
Infandam, sceptris nimium ac ditione potitam.
Hinc Barcinonis pelagi securus ab vrbe
Nauiget; & Ligurum properans inuadere portus
Littus amet læuum, ac Genuæ demum applicet vrbi:
Mox vbi quassatam bello tremefecerit omnem
Italiam, & concussa virum formidine corda
Strauerit aduentu primo: tum deniq; lætus
Tendat iter placidum, qua dia Bononia surgit,
Egregias inter studijs florentibus vrbes:
Hic Italis pacem æternam, Sanctoq; senatu
Componet Venetum: hic alacri placidissimus ore
Admittet iustasq; preces, & crimina discet:
Tum primum abiectis armis asperrima ponent
Pectora, tum posito patriam & sua regna timore
Securi repetent longo post tempore ciues:
At qui sacra ferens & nostri nominis instar,
Sublimi Clemens redimit sua tempora mitra,
Olli sceptrum manu statuet, capitq; coronam
Fulgentem, Imperij firmans insignia summi:
Continuo plausu populi fremituq; sonabunt
Ingentes quicunq; viris, armisq; potentem.

Incolit Hesperiam magnam, circumq; supraq;
Quod mare Tyrrhenum, quodq; alluit Adria litus,
Quiq; Padum bibit, & quæ plurima cærule alueo
Accipit Eridanus dextra læuaq; fluenta,
Lætitiâ varijsq; dabunt spectacula ludis,
Munere quo Cæsar, tantq; insignis honore,
Pannoniam, procul atq; vrsæ propiora minori
Regna petat, Thraciq; ferox se opponere Regi
Apparet, infano qui nunc in bella tumultu
Europæ atq; Asiæ vires rapit, omniaq; arua
Miscet agens prædas, flammisq; & sanguine replet,
Cœlscolas nihil ille Deos, nihil impia curat
Tartara, nec quantum terræ vergentis ad oras
Hesperidum patet, & Boream, stellasq; cadentes,
Militiæ satis esse suæ, & victricibus armis
Æstimat, ardentesq; animos super æthera tollit,
At turpi mox terga fugæ dabit agmine verso,
Quamprimum æratas acies duce Cæsare campis
Surgere, & inuictum spirantia pectora Martem
Viderit, accenso iaculantes fulgura vultu
Inualidus tolerare, micantesq; igne cateruas,
Hinc Cæsar fremet intrepidus, stragemq; ciebit
Hostibus insultans, qualem non arduus vnquam
Horruit, aut Pindus, oculis uel hausere Philippi
Emathiæ in campis, qua bis in vulnera ventum est,
Iniecitq; sibi Romana potentia ferrum,
Ni pigeat tantæ cædis, pedibusq; salutem
Stare tot admoneam populis, neq; fidere pugna.
Post ubi se regno patrijsq; receperit agris
Turcarum frustrata cohors ingentibus ausis,

Rurfus in Italiam vertens se littore Cæsar
Procuruo Ligurum condat; ventoque ferente
Hesperios repetat fines, & Bethica regna;
Iamque alio accingi summa virtute labori,
Electamque manum ac nervos conquirere belli,
Fas erit; & pauidis tempus dare libera nautis
Æquora: quo tantum patiar sæuire Tyrannum
Regno incumbentem Libyæ: quem sanguine Cæsar
Exiguo victor ratibus nudabit & armis;
Aureaque exectis decorabit pulpita rostris;
Necnon & Tyria vastis se molibus vrbe,
Murorumque minis tutantem, atque agmine magno
Congressum excipiet; campisque atque aggere pellet;
Millia multa virum redimens; quos aspera ferro
Vincla tenent; miseri, iustis pullata querelis
Sydera contristant, libertatemque repossunt
Orantes, largoque absument lumina fletu.
Ergo impune mari medio dare vela licebit;
Atque alijs vectas terris traducere merces,
Europaque, Asiaque, & littore Cyrenæo,
Tutaque seruatos ditabunt æquora nautas;
Tunc etiam Tyrj patriaque & Rege recepto,
Debita sacratiss red dent solennia templis.
Compositis Libyæ rebus, belloque peracto,
Trinacriæ portu primis surgentibus Austris
Admoueatur classem Cæsar, populisque Sicanis
Iura ferat, sumat pænas & præmia soluat;
Atque hinc iactantem pulchro se littore viset
Parthenopem; græmioque vrbis susceptus amata
Deponet sumptos vndis terraque labores;

Grataꝑ erunt bello defunctis ocia terris:
Tu mea quum penitus mandata peregit ardens
Cæsar, & auxilium nostrum ad maiora vocabit,
Monstrabis quæ deinde viro tractanda, nec vnquam
Cæsareo abscedes insomnis limine custos.

Dixerat, ille Notis velox & remige penna
Iussa Patris summi exequitur, cœlumꝑ reliquit.
Nec mora mandatis, Lustrum quæ maxima complet
Carolus, & terras luctu ac tumida æquora soluit.
Obrutaꝑ Imperij ac depressa potentia nuper
Romulei, tum primum alto se attollere visa est.

Quum tamen Ausonijs nondum saturata ruinis
Gallia detractet pacem & ruat omnis ab alto
Vespere, in interitum pretio collecta iuuentus,
Hic pedes ingreditur campis, hic dira frementes
Cogit equos, totis acies diffunditur agris,
Et late rutilant fulgentibus æquora cristis:
Omnes hic animos, omnes gens aspera vires
Effundens, quatit arma, feroꝑ accensa furore
Infremit, impatiensꝑ animis vlciscier ardet
Sæpius acceptas clades, Italisꝑ sepulchrum
Finibus inuentum toties, manesꝑ suorum:
It rumor longe terris; it clamor: & omnes
Mortaleis animos percussaꝑ pectora turbat:
Vt quum cæruleus Zephyris spirantibus imber
Vrget ab Occasu, & densi longo agmine nimbi
Incedunt, tonitru cœlum terræꝑ tremiscunt:
Immanemꝑ putes immissa grandine iamiam
Venturam arboribus latè, segetiꝑ ruinam:
Frigidus agricolæ tentat pavor, & tremor artus:

Haud aliter totis fundit se Aquitania campis:
Indomitique ruunt Belgæ, Galli que feroces,
Elietij, et Celtae, et Rhodani qui flumina circum
Lemaneque lacus habitant, tumidumque Garumnæ.
Hic Cæsar, quanquam inuictum fert pectora robur,
Haud tanti ignarus belli, rerumque nouarum,
Ingemit, et secum versans immane piorum
Excidium, longo fundit suspiria ductu:
Incipit hæc tandem, supremæque numina poscit.

Heu quid agam? qua vi superas sator optime rerum,
Aut quibus euincam meritis? qua voce furorem
Barbaricum minuam? Regemque in fœdera ducam,
Insultantem Italis, meque in noua bella vocantem?
Cui toties victo, totiesque infausta cienti
Prælia, postremum capto, non vincula iussi,
Non proprio, ut poteram regno, non lumine vitæ
Damnaui; sed coniugij mihi iure reuinxi
Germanam iungens; audumque in regna remisit:
En quanquam natos seruandæ pignora pacis
Tradiderat, tamen arma ferox animosque parabat:
Ausus et Italiæ rursus subuertere regnum
Omnia disiecit; natorum obstare saluti
Nil veritus, meque hoste pater crudelior ipso:
Quid facerem? potui temerataque fœdera cælis
Vlcisci obsidibus, nostrumque hac morte dolorem:
Verum iterum meritis animos lenire feroces.
Aggredior; quum iam nostris victoria castris
Sisteret, atque suis metuens iam Gallia regnis
Cederet, è Latio, et pubem lugeret ademptam:
Sic tamen incolumes pueros, pacemque remitto:

Nunc etiam inuadit, ferroq; indebita poscit
Imperia, et tumidus florentis robore prolis,
Ardet in arma parens: nostris nec parcere rebus,
Parcere subiectis vlla ratione mouetur.
Quinetiam immanem Turcarum immanior ipse
Acciuit gentem, fraternaq; fœdera iunxit,
Excidium rerum meditatus, et horrida bella:
O, cœlum, o, terras: audax insurgere contra
Quid moror? et flammis inimicam perdere terram?
Nec tamen vnus culpari nomine plures.
Fas populos, sanctumq; fide et memorabile regnum
Deleri, et tanto fœdari sanguine campos:
Nec nos bella pijs vnquam mortalibus vltro
Intulimus: nec nos infesta fidelibus arma
Ferre iuuat, nostrasq; vicissim absumere vires:
At Rhodopem contra, Turcarumq; impia regna
Ire animus, pacisq; bonæ producere leges
Europæq; Asiæq; iugumq; exoluere ferro:
Donec Idumæas vrbes super, altaq; surgens
Attingam solima, et sanctæ fundamina terræ:
Et statuam signum, et Domini vestigia adorem:
Hæc fuit, atq; animo semper sententia fedit,
Ex quo me Pater omnipotens ad sceptra vocauit,
Et dedit Imperium, et fasces attollere iussit:
Atq; ita ne qua moram faceret discordia votis
His aduersa meis, Italos in fœdera duxi
Componens, nec nulla meo de iure remisi:
Nunc etiam insurgens quum iam se Gallia nostris
Obijceret ceptis, & ad impia bella pararet
Quas ego non causas, quæ non pulcherrima pacis.

Fæderatentauī, partes conuersus ad omnes
Orantis, iuxtaqꝫ bonum commune petentis:
At Rex funestis quæ nunc sibi vendicat armis,
Hæc eadem à nobis, nostrum sine sanguine munus,
Sumerè sceptrā negat, propria hæc mansuraqꝫ tantum
Perpetuo sibi regna putās proliqꝫ futurā,
Quæ demum belli furijs, et Marte subacta
Ceperit, et quas seruitio depressoerit urbes.
Quid reliquum est? opus inter nos contendere ferro,
Aduersasqꝫ acies diræ committere pugna:
Ergo etiam sacro terras undare cruore
Aspiciet? tantosqꝫ Pij's feret ille tumultus?
Quin potius bello perituræ parcere genti
Præstiterit, paribusqꝫ ambos concurrere in armis
Certantes: vos, o, superi vos Numina testes,
Quam proprio infandum bellum finire periclo,
Et cupio, et solum ferro decernere posco,
Te uero Deus omnipotens qui cuncta reducis
In melius uertens, ad opertaqꝫ lumine cernis,
Inuoco, et has supplex voces ad sidera fundo.
Si placitum est, atqꝫ hoc alio traducere præstat
Imperium, et quæ nil merito mihi tradita sceptrā,
Accipe, et hæc tua Magne pater sententia vincat:
Quicquid erit cessisse Deo, et placuisse iuuabit:
Sin aliquid nobis fas est Ductoribus addi
Imperio, regnisqꝫ tuis, si tollere nostra
Militia, incestasqꝫ paras deperdere leges,
Ingredere, et nostros puro rege lumine gressus.
Austrius hæc voluens altis dum mentibus Heros
Affatur superos, ac non auersa precatur

Numina,

Numina, continuo laeuum Deus æthere puro
Emicuit, magnocq; poli intonuere fragore:
Atq; iterum æthereis delapsus Spiritus auris.
Astitit Antoni sumpta sub imagine Leuæ,
Antoni quo res Italæ firmataq; iura
Imperij creuere Duce, & stetit ardua ab almo
Cæsare deiectis toties victoria gallis:
Huius in effigiem monitis affatus amicis
Edidit hæc, tenebrasq; animo abstulit incumbentes.

Qui gemitus quæ tanta noui tibi causa doloris
Ingruit, o, bone Rex; turbataq; pectora versat:
Tene mouent noua ab aduersis surgentia Gallis
Bella; grauesq; agitat tecum mens anxia curas:
An non experti furias, vanosq; tumultus
Vidimus; & cæsis Gallorum millibus agros
Strauimus; an victi maiori robore rursus
Consurgent; ducentuæ alias in prælia vires:
Non ego in excidium Galli pubisq; superbæ
Natus, adhuc supero; atq; eadē mihi viuida mens est:
Principio magnis ergo confidere Diuis
Auxilioq; vocare placet; dehinc tendere contra:
Ingentiq; manu, & valida procul ire niuales
Trans Alpes acie, mediumq; inuadere regnum:
Hæc dicens olli in niueo cælestis amictu
Nuncius affulsit, flagrantiq; addidit ore.
Ergo vbi terrorem Gallis incusseris atrum,
Et male suscepti referent dispendia belli,
Fataq; per multos natum properata labores
Sustulerint, primis Regi qui maior ab annis
Exuperat, nec spem rerum capit ipse suarum,

Tunc hyemæ hispanos fines vrgente reuifces,
Cui postq̃ ver purpureum successerit actæ,
Lætior, et posito squallore nouabitur annus,
Gallia coniuncto in fœdus tibi tota patebit.

Dixit, et extemplo ex oculis se sustulit ales,
Nec mora romanas linquens Dux Austrius arces
Agmen agit, magnisq; attingere passibus alpes
Dum properat, simul ingentem se comparat armis,
Accensus Diuum monitu; et mauortia secum.
Instrumenta rapit, peditumq; equitumq; phalangas,
Collatisq; vocat lignis sibi cominus hostem
Aduersum pro dire, et aperto occurrere Marte,
Galli se fossis, interpositisq; tueri
Fluminibus, modo securos erumpere in hostes,
Et furtim pugnam mutato more ciere;
Atq; ita se alternis perimentes cœdibus orco
Transmittunt tristes animas, et turbida tranant
Flumina; transixi telis, aut igne perusti.
His ferri rabies, auricq; insana cupido
Duplicat heu fero tum detestata dolorem,
Ast alij positi ordinibus, animisq; parati
Congemere extremum, aut hosti insultare subacto
Herculeo stabant campo, Rhodanumq; parabant
Traicere obstantem; at diro emissâ profundo
Circum perq; acies volitabant monstra caducas,
Inuisæ cœlo formæ, fœdissimaq; ora,

Quæ tua mens? quales trépido Regina querelas
Ore dabas? quum te mediam fratrisq; viriq;
Exagitaret amor, casusq; horrescis apertos
Amborum, & sæuæ quatiunt præcordia curæ:

Vt super impositum candens incude metallum
Contundunt, pariterq; alternis ictibus vrgent
Adnixæ proferre manus, tum lamina crebro
Icta crepat: formamq; chalybs mutatur in omnem.
Haud secus hinc, atq; hinc ingenti tunditur æstu,
Et nunc illa gemens, fratri, nunc illa marito
Supplicat, infandi studium deponere belli.
Perq; Deos orat, per connubialia vincla,
Communesq; patres, & auitæ fædera gentis:
Interea largo liquuntur lumina fletu,
Postquam in bella viros manifesta q; fata ruentes
Haud precibus reuocare valet, neq; fletibus vllis
Proficit, et surdas gemitus frustratur ad aures:
Immemor ipsa sui magnoq; afflicta dolore
Dicitur in somni has thalamo duxisse querelas,
Regales effusa sinus, discissa coronam.
Quæ miseræ est fortuna super? quis me exitus ægram
Excipiet belli ranti, & grauiora tremement?
Quid sperem? quo me vertam? quis victus acerbum
Pertulerit victorem, ac non ego per dita vincar?
Quales mœsta mihi luctus victoria portat?
Quas lachrymas? heû, sed potius mihi tristia fata
Fata mihi properate, meumq; haurite cruorem,
Atq; odia, atq; in me vestras absumite vires:
Neu mihi iam libeat tanto superesse dolori:
Quid procures, aut pulchra iuuant insignia regni?
Regalesq; tori? quid mitræ, auricq; coronæ?
Fœlix atq; etiam fœlix, quæ paupere tecto
Inter pensa, colosq; inopis fert tædia vitæ
Fœmina; nec tantos norit vexata tumultus:

Sed quid ago? quid consilium capere ordiar? aut quas
Frustrasq; preces iterum gemitusq; mouebo?
O, utinam medijs aliquis se opponere turmis
Audeat, arduosq; animos virtute moretur:
O, Granuella Pater; tibi enim tibi plurima Regum
Gratia, tu rerum euentus, tu tempora noris
Debita, pacati maneat tibi gloria belli;
Et Pater omnipotens, si non mea plurima frustra
Vota cadunt, si non templis exosa dicatis,
Det tibi pro rebus fari, det pondera verbis
Vimq; suam aspiret, pulsus quæ corda tenebris
Eualeat lustrare, nouamq; retexere mentem
Turbatis rerum Dominis; sic deniq; foedus
Insinuet, pacemq; æternam numine firmet.
Hoc summissa Deum gemitu Regina vocabat:
Cum Pater humanæ tantum pessundare gentis
Cognatas acies, irasq; haud passus acerbis,
Accensos animis Reges inuisere tempus
Constituit, veritisq; Dei torquentis Olympum
Præsenteis vultus Maiestatemq; tremendam
Pacem ferre viris, & crimina tollere belli,
Sed quia mortales oculi sub limine tanto
Deficerent, sumpta terras sub imagine Pauli
Pontificis petit, ac folio se se extulit alto:
Ingressusq; viam, vultus incanaq; curui
Menta senis fingens, albos simulauit amictus,
Atq; viæ longum raptim tentare laborem;
Interea emenso rediens Solaureus anno
Attigerat fratres Helenæ, prolemq; gemellam:
Cum gemitor tandem superata ambage viarum

Littore in extremo Italiæ, qua Varus in amplum
It Ligurum mare prorumpens torrentibus vndis,
Constitit; Hinc Cæsar, Rex hinc tentoria habebant,
Et iuncta pacem sanciebant fædere dextra:
Hic Pater excelsa^{us} aderat delapsus ab æthra,
Dijq; viriq; omnes, quorum moderamine late
Diuisæ imperijs terræ populiq; reguntur,
Et iacti leges dicebant fæderis aptas:
Atq; hinc vella Pater, quem toto pectore Cæsar
Accipit, ac rerum merito cui credita summa est,
Incipiens dictis animos mulcere calentes
Cæsar, atq; illi Pacem laudare volenti,
Orsus erat rem non magnæ ambitionis egentem:
Cæsar enim districta suos sic semper in hostes
Arma tulit, locus ut paci tamen vsq; pateret.
Hinc Regi Gallorum aderat commissa Lorenæ
Sacra gerens; qui nunc præter placidissimus omnes
Pacatas cupit Hesperias, & regna piorum;
Ac rerum cui summa fides; cui maxima regni
Consilia innixus stabili Rex cardine cessit:
Ille bonis inhians semper communibus instat,
Egregius foelixq; animi; sic deniq; Regi
Nonnullum insinuat tranquillæ pacis amorem:
Imo ait omnipotens, quicunq; hæc fædera vestrum
Iacta decem faxit non inuiolata per annos,
Sentiet ipsa suis contraria Numina rebus.
Atq; ita confessu, è medio discedere visus,
Intentas spectantum acies, animosq; fefellit.
Tum positis belli furijs, & pace secuta,
Depressæ vitio leges, desuetaq; iura

Surrexere, viri campos vrbesq; relictas
Iam repetunt, non his litui, non classica somnos
Excutiunt inflata leues, adamataue turbant
Ocia: sed placida degunt in pace quieti:
Iamq; alius resides cogens ad aratra iuuenços,
Inuertitq; solum, renouataq; suscitatur arua,
Frugibus, & parto iam non fraudatur aceruo,
Purpureas condens alius dum colligit vvas
Latioꝝ, ipse suos capit sine fraude labores,
Ille domum pastas pecudes compellit: at illi
Distentæ redeunt solita ad præsepia vaccæ:
Pars agitant dulces cara cum coniuge curas,
Natorumq; animos ignaraq; pectora pulchris
Moribus informant: puræ pars optima vitæ
Gaudia, & insignis sophiæ sectantur amores,
Ac loca sola colunt nemorum, lætosq; recessus,
Ergo omnes animisq; fauent tibi maximè Cæsar,
Fortunasq; suas referunt: tua fortia facta,
Immissamq; fidem terris, ad sidera tollunt:
O' patriæ pater, o' nostræ Dux optime gentis,
O' iuuenis, quo cum æterni stat dextera Regis:
Tu Christi leges populis, tu fædera portas,
Iustitiam, cultumq; Dei: te sospite nullos
Curamus Francæ gentis, Scythicæq; furores,
Sed conuiuia læta, sed almæ pacis honores:
Cantusq;, choreasq;, exoptatosq; Hymenæos:
Dilectæ Veneri ludunt per gramina Nymphæ,
Cum Baccho, Satyrisq; & ruricolis sylvanis,
Lætitiâq; fremunt vrbes, & mœnia plaudunt.
Iam fatis erectum Imperium, reparataq; regna,

Depulſasq; Italis lachrymas, Libyæq; labores
Exactos cecini, & miſerantem incendia Martis
Cœlicolum Regem, ſolio qui primus ab alto
Omnia quæ pandis cœlum complectitur vlnis,
Quæq; petunt medium, medio quæq; ardua ſurgunt,
Dirigit, æternosq; agitans non deficit orbes
Ipſe immotus, & immenſi regnator Olympi:
Audiat hæc geminam tellus decliuis ad Arcton,
Audiat Oceano qua Lucifer emicat, & qua
Hesperus heſperijs ſitiens immergitur vndis:
Pars etiam magni (ſi fas) diuertat ad aures
Cæſaris; & fama iactatum ad ſidera nomen
Interea, diſcat numeris aſueſcere noſtris:
En vnquàm tua Cæſar erit, quum dicere bella
Longius, & victas memorare ex ordine pugnas
Aggrediar; domitosq; canam ſine ſanguine Reges:
At rudis Oceani nondum benè creditur vndis
Nauita, nec vaſtos audet rate currere fluctus:
Prima tamen radit fluitanti littora cymba:
Ac nos exiguas pedibus tranauimus vndas:
Parcentes pelago geſtarum fidere rerum:
Quòd ſi parua mihi aſpirans crepitauerit aura,
Audax ærata ſcindam maria alta carina.

F I N I S.

EIVSDEM EPIGRAMMA
AD CÆSAREM.

Deuictæ mœrent gentes, extremaq; passi
Omnia ab irato sæpius hoste dolent:
Atq; aliqui vtrices sparserunt sanguine flammæ:
Nec sibi fatales continuere manus:
Ergo suscepti temere dispendia belli
Omnes Thraici iure tulere Dei.
At pacata suo Germania Cæsare gaudet:
Et sibi, tam caro Principe victa, placet:
Gloriaq; est omnis superata à Cæsare terræ:
Is modus, hæc pietas Carole quinte tua est.

ALIVD.

Qualis in absentem pallens noua nupta maritum
Expectat, longas conqueriturq; vias:
Nec sibi inornatos curæ est componere crines:
Nec strophio laxos subredimere sinus:
Vnus abest, cui culta comas, cui pulchra videri,
Cui torrere pari sensit amore iecur:
Illi vni Domino, illi vni suspirat amanti,
Nec desiderij meta, modusq; sui est:
O quoties tacita repetentem gaudia mente,
Gaudia foelici nuper inita toro,
Ac pene exanimem lecto super incumbentem,
Exiguus liquit tractus in ima calor:
Collapsiq; artus, & languida frigore membra,
Palliduloq; omnis fugit ab ore rosa.
Talis te repetens tellus vocat Itala Cæsar:
Nec desiderij meta modusq; sui est.

THE HISTORY OF THE
LIFE OF
JAMES OGLETHORPE
BY
JOHN STURGEON
IN TWO VOLUMES
VOL. II
LONDON
PRINTED BY J. JOHNSON, ST. PAULS CHURCH-YARD
1791

THE SECOND VOLUME
CONTAINING
THE HISTORY OF THE
LIFE OF
JAMES OGLETHORPE
FROM HIS ARRIVAL IN GEORGIA
TO HIS DEATH
IN THE YEAR 1784
BY
JOHN STURGEON
IN TWO VOLUMES
VOL. II
LONDON
PRINTED BY J. JOHNSON, ST. PAULS CHURCH-YARD
1791

HIERONYMI

OLIVERII AVGVSTI BER-
GOMATIS PHYSICI, POETÆ,
QVE LAVREATI.

DE PARTITIONE ORBIS

Libri quatuor, Ad Illustrissimum et

Reuerendiss. D. D. Antonium

Perenotum, Atrebatem

sem Episcopum.



REVERENDISSIMO ET ILLVSTRISSI-
mo Domino, D. Antonio Perenoto, Atrebatensi
Episcopo, Hieronymus Oliuerius Augustus. S.

QVI Mundi speciem formamq; tabulis ac litteris
exprimere conati sunt, vt bene de humano gene-
re meriti fuerint, neminem profecto parum elegantiori
ingenio præditū ignorare arbitror. Cum em̃ nauigan-
di vsui Cosmographiæ peritiā adeo necessariā esse cō-
stet, vt nullo modo sine illa exerceri possit, nauigatiōis
ipsius vtilitates, quæ mortalibus multæ ac maxime sunt,
iure ab illa quoq; prouenire dicendū est. Taceo quan-
tum ad rei militaris disciplinā scite exercendam, quan-
tum ad antiquas nostræq; tempestatis historias recte
intelligendas locorū cognitio semper conferat, Christe
optime, quantum lucis Philosophiæ, Astronomiæ, atq;
Poëtarū lectioni eadem subministrat. Quantū vtilitatis
Architectonicæ affert? q̃ deniq; vel sacris litteris vete-
ris Testamenti pariter et noui prodest. Proinde si quis
quam scientiam tam vtilem ac necessariam hominū ge-
neri neglexerit, si sedes inquam, tum sibi, tum cæteris
mortalibus Dei bonitate concessas, cognoscere non cu-
perit, hunc dubio procul prorsus mentis inopem affir-
mare ausim, atq; illorū similem, qui cū morbo attonito
(vt Medici loquuntur) laborent, vbi locorum sint om̃i-
nino ignorent. Detur mihi bona cum legentium venia,
vt cum de Cosmographiæ laudibus hæc & sentiam, &
prædicem, ne existimet meam in laudē meorumq; stu-
diorum cōmendationem, tanq̃ præfatus fuisse, apud te
præsertim, Illustrissime Antistes, vel amicū præcipuū,
vel studiorū eorundem sectatorem peritissimū. Sed si
om̃es illius laudes hoc loco persequi vellem suū modū

excederet ep̃la satis mihi fuerit Lēctorem admonuisse,
artem hanc non solū vtilē et necessariā, verum etiā quo-
cūq; homine libero dignissimā esse. Cēterū cū tot ma-
ria, tot prouincias, tot insulas cū finibus suis, cū flumi-
bus, montibus, ciuitatibusq; q̃ plurimis minimē contē-
nendis, cū deniq; sitū, naturamq; & Orbium cōlestiū
motus, atq; elementorū, necnon omnia illorū nomina
ēdiscere, et vbi edidiceris fideli memoria custodire, per
difficile sit; varium atq; immensum huiuscemodi nego-
cium breui ac simplici quodam aditu faciliq; introdu-
ctione indigere existimaui: & quoniā omnis nostra co-
gnitio à notioribus procedat oportet, notioraq; nobis
sunt confusa magis atq; vniuersalia: ideo vtilitati ac de-
lectationi publicę cōsulendi gratia, breuē hanc de Cos-
mographia præceptionē, qua res duntaxat illustriores
& magis generales complexus sum, in mediū protuli,
vt non his paucis Lēctor contentus esset, sed ad inqui-
renda cognoscēdaq; reliqua omnia studio quodam di-
scēdi atq; alacritate permoueretur, faciliq; tramite sine
magno labore ac sine vlla diffidētia ad difficilia magis
atq; ampliora, & quam desiderat integram locorū co-
gnitionem perduceretur. Et quoniā describendi Orbis
ratio per se aspera tractari, & auribus insuaui videba-
tur, eam lenire structura gratioremq; reddere carmini-
bus tentauī, simul vt si quando nominū obliuio mentē
subreperet, id quod haud raro vsu venire solet, numeri
reminiscētiā excitarent. Illud vnum supereſt Atreba-
tensis Antistes amplissime, cuius in gratiam laborē hūc
suscepi, vt dicatum ac consecratum tibi carmen hoc su-
scipias, & maximo tui nominis patrociniō tuearis, ac
valeas.

AD EVNDEM.

Purpureo velare comas Perenote galero
Hoc est signatum sanguine ferre caput.
Sanguine purpurea est Christi coma : sanguinis ac te
Non parcum arguerit largior ille sui,
Seu subeas Cancrum Duce Cæsare, siue Triones,
Nullam detractas mortis adire viam.
Nullum pro Christo refugis perferre laborem:
Pax ut sit populis, sit rediuiua fides.

DE PARTITIONE ORBIS
LIBER PRIMVS.

DIducto latè monstratas æquore terras,
Quæq; sedens vasto claret minor insula ponto,
Immanesq; sinus, & sparsas gentibus oras
Lustrabo excelsiq; ingesta volumina mundi,
Atq; agili immensum circumferar æthera mente.

Gratia sola Patri rerum, qui me quoq; terris,
Spectatorem operum miratoremq; suorum,
Intulit, & dulcis vitæ perduxit in auras,
Fidentemq; sui signauit imagine vultus.
Te vero super hæc, celsa speculatus ab arce
Auxit, & egregios opibus cumulauit honores,
Antoni venerate, patris lux inclyta magni,
Patris Granuellæ lux inclyta; cui sua Cæsar
Munera & Imperij clauum ac moderamina credit:
Augustamq; ferunt pelago data vela carinam.
Tu mihi iactato per stagna Ligustica, sidus
Purpureum gemini ceu Castoris illuxisti:
Tu regere incertos cursus, mediumq; per æquor
Tendere, & Herculeo docuisti inflectere portu.
Quare nil metuens vndis quodcunq; pericli est,
Te duce digrediar terris atq; auspice soluam.

Hic mihi deuexi facies se maxima Mundi
Subijcit; apparetq; animo reuoluta tuenti.
Vnus in immensum latè profertur, & alta
Mole tumet globus, ac solido se corpore tollit:
Omnia qui teneat supremoq; ambiat orbe,
Ipse suis tantum certis subiectus in vlnis,

Ac pariter medio abſiſtens, et ſedibus imis.

Hanc omnem non vna regit natura, mouetq;
Diſſimilem longe molem. nam concaua quicquid
Ambit, et orbe ſuo gradiens Latonia Luna
Complexu fouet, id ſemper ſibi pugnat, et à ſe
Diſſidet, oppoſita ſpecie mutabile ſemper:
Nilq; quod ante fuit remanet, quin protinus illud
Monſtrum informe ingens, Hylem quàm nomine graui
Dixerunt, varias gaudet ſubiſſe figuras:
Quumq; latens huic ſe mundi mirabile parti
Subiſciat, vultu nunquam requieſcit in vno.
Qualem Carpathio memorant ſub gurgite Proteum
Cæruleos artus, rorantemq; æquore crinem
Mille ſenem mutaſſe modis; ut ſæpe iacentem
Induerit glebam, liquidas modo verſus in vndas,
Et modo ſuſpenſum tenuarit in aëra corpus,
Sæpe manum puro capientem eluſerit igne,
Iam lapis, aut arboſ, aut quem curſare iuuaret
Pullus erat; iam ſe humana grauitate ferebat,
Tantaq; depreſſis concors diſcordia rebus,
Alterum ut alterius fieri, et ſuccreſcere certet
Interitu, et cunctis lateri ſuus hæreat hoſtis.

At plaga quæ ſupra eſt, corpusq; volubile, mundi
Pars melior, ſuperisq; domus gratiſſima Diuis,
Non ſpecies habet oppoſitas; tantum vſq; mouetur,
Immutare ſitum cupiens, ea ſola voluntas;
Nec leuitate ſuper volitat, nec pondere preſſa
Deſicit, aut calida eſt, aut frigore torpet inerti;
Nec madet, aut æſtu venis ſitit aſpera ſiccis:
Et tamen æthereis manans venit humida ab aſtris

Siccaq;

Siccacq; vis, referensq; hyemes messē q; reportans.
Quare non alia facie variabile cœlum,
Et nunquā augeri, nunquā decreſcere fas est:
Æthereoq; eadem ſemper ſubſtantia Mundo
Intemerata manet, quæ non generata, nec vlla
Corrumpenda die ſat habet, neq; plura repoſcit,
Huius inexplēti penitus quæ dicitur Hyle
Neſcia, continuoq; vīgens ac purior actū,
Hæc domus hæc habita eſt Superis digniſſima ſedes:
Quippe vbi cœleſtum non addita numina morti
Æternis agerent tectis, & celſa tenerent
Culmina, diuini latè & ſplendentis Olympi:
Illic luce micans ac peruius enitet æther
Corpore perlutri: ſed qua ſe denſior ipſo eſt
Parte magis, rutilare ignes & ſparſa videmus.
Sidera, candentiſq; micantia lumina cœli.

Quis mihi nūc callem anguſtam? quis cœca recludet
Naturæ, cupido, & magni penetralia Mundi?
Monſtrabitq; nouis dictis, & carmine ſacro
Expedit, qua vi quo ſe propiore mouendi
Principio, tellus immani pondere vergat
Ad mediū, medio aſſurgat contrarius ignis,
Ignem aër ſubeat, terramq; ſupernatet vnda?
At cœlum, & defixa ſuis concorditer aſtra
Orbibus inuertantur, & alto vertice nutent?
Scilicet haud eadem eſt illis natura, nec vnum
Principium, quo directis elementa ferantur
Motibus, obliquos cœlum verſetur in orbēs.
Nam q; humus ponto, q; ab aëre diſcrepet ignis,
Sintq; aliquid, natura facit, ſibiq; inſita forma,

Illa mouet, simul & propriæ insinuata mouetur
Materiæ, ac secum pariter metatur, & vñum
Constituit certo dimensum limite corpus.
At nonmersa polo penitus sua forma cohæret,
Mixta uè, nec paribus spacijs metata, sed illi
Versando assistens: cœli quam sine carentem
Immortalem animam, quam iugiter indefessam
Accipimus, meritoq; æterna sistimus arce
Nullis dissimilem seclis. at cœlifer Atlas
Labentis mundi formidine captus inani
Excipit æthereos humeris albetibus orbes;
Et sibi nequicquam debentia sidera torque;
Anq; eras rerum, & diuinæ prouidus autor
Naturæ, cœliq; vias & signa docebas
Alcidem magnum; deprompta hinc fabula vero
Non caruit, tibi nec penitus mentita vetustas
Infedisse polum tergo: quo pondere fessus
Diceris Herculeo vires reparasse labore.

Pangitur hic geminis rutilantis regia cœli
Partibus: hæc fixis apta est, errantibus illa
Sideribus, septemq; eadem-partitur in orbes.
Inferior, quem nocturnis inuecta quadrigis
Luna regit, liquidi cumulo super incubat ignis:
Mercurius Phœben, Maia Venus vrget alumnum,
Quam circumuectus vegetis Hyperione natus
Fertur equis, crinemq; humero iacit igne comantem:
Tum Phœbo Mauors, Mauortimaximus instat
Iuppiter, & præmitur Saturno rege secundus.
Omnibus his innata suo stella emicat orbi:
Quos simul innumeris præcinctum tempora flammis.

Ingens excelso sub vertice Firmamentum
Continet, atq; vno properans rapit ordine secum
Luctantes, scq; obliqua è regione mouentes :
Dumq; quater senis cœlum circumtulit horis
Lucem illud, noctemq; ferens, traxitq; volentes,
Temporacq; induxit, paulatim illi agmine contra
A zephyris nituntur, & obuia pectora portant,
Conficiuntq; suos non vno tempore cursus :
Nam quicumq; subest primo coniunctior orbi,
Illius aduerso tardatur & impete inhæret :
Qui vero inferior sedem sibi legit, ab illo
Longius absistens, spacia in sua sæpe recurrit,
Liberiorq; datis retrò volat axis habenis :
Hos inter, medijs, maior quæ cuiq; potestas
Et vigor, elabuntur & ocyus æthera tranant
Læua assurgentes, magnum nam Mobile dextra
Emicat, immensumq; animal, cui vertice summo est
Australis polus : at pedibus Cynosura refedit :
Ante patet tellus, stant retrò immania terga :
Dextra oritur, læua Hesperijs immergitur vndis.
Illiautem errantes ortumq; obitumq; ferentes
Alternant, variantq; situs, cœlicq; figuras
Mobilibus gyris, purumq; per æthera ludunt :
Hinc variæ rerum species, habitusq; nouantur :
Hinc nitet innumeris lapsura coloribus æstas :
Et modò quæ fuerant pereunt, perituraq; surgunt :
At conata genus saltem natura tueri
Perpetuum summo deducit ab orbe tenorem.
Iamq; alius nonum decimum iamq; addidit orbem,
Mutantes spacia & stellas miratus euntes.

In medio tellus infra grauitate refedit
Circum preſſa ſua, fundoꝝq; immobilis imo,
Quo ſtabili ceu nixa ſolo ſupera ardua circum,
Verſentur, nullaꝝq; labent nutantia parte,
Extulit hanc contra cœloꝝq; leuiſſimus ignis
Subiecit caput, & propria ſubſedit in arce
Noctiuagæ obtentum tangens Titanidos orbem,
Queis média extremis rerum ſibi ſemina ſeruant
Pondere quem, aut leuitate gradum, cœpère remiſſa:
Vtq; decem maior tellure exuberat vnda
Partibus, infulo totidem eſt minor aëre, at igni
Conceſſit ſupero pariter compreſſior aër.
Sedibus hæc proprijs peragunt ſecluſa quietem:
At commixta, ſimulq; eadem mutata viciffim
Compoſitis hic prima ferunt exordia rebus.
Hoc totum illud erat veteres quem Pana canebant
Curua Deum gemino redimitum tempora cornu,
Pubentem Lunam, radiosq; imitantia Solis.
Vt qui perſpicuum vultu candente referret
Æthera, ſtellata regeret qui nebride pectus.
Aſtrorum in formam rutilans: pars obſita villis
Inferior, ſyluas intonſiq; aſpera campi
Gramina ſignabat, pecudumq; genusq; volantum:
Ille etiam ſolidæ oſtentans fundamina terræ,
Se capræ cornu biſido pedibusq; ferebat:
Ille pedum geſtans, in ſe conuerſa redire
Tempora, & exactis decurrere menſibus annum
Monſtrabat, gradibusq; reuolui ſemper in iſdem.
Nec fruſtra ſeptem geminis huic credita cannis
Fiſtula, nec fruſtra tenero memoratur Amori

Ah malè congeſſum nuda certafſe paleſtra.

Hactenus æthereas ſedes & culmina cœli

Ardua partiti inſtitimus, nunc ire per altum

Et propius, terris curſus aduertere tempus :

Inuitat blando tellus viſenda reſeſſu

Notior, & mediam canis ſe fluctibus inſert

Oſtentans, aperitq; ſinus, & brachia pandit :

Tum fuluo latos humeros circundata amiſtu.

Fert tepidi florem veris, fert roſida mala,

Lætitiâq; gerit placido pulcherrima vultu,

Fronde tegens crinem viridi : cui tempora circum

Purpureo rident intextæ flore coronæ,

Molliaq; æſtius adimunt umbracula ſoles :

Dependent tereti longè redimicula collo

Aurea, nudato rutilant ſub pectore gemmæ

Littoribus rubris, primòq; oriente petitæ :

Aut quas Indus habet gurgēs, quas monſtrat Oaxis.

Aut rapidus magno ſubieſtat flumine Ganges.

Addunt & myrrhæ perſuſæ rore decorem,

Flauentesq; comæ redolent, oleoq; niteſcunt

Spicato : fragrant illi ſpirantia late

Cinnamâq; & rupto manantia balfama libro.

Tota nitet, tota eſt vario blandiſſima cultu.

Quas non illa breui mulcens dulcedine tangit

Deceptas ſpecie gratoq; errore labantes

Matres, atq; viros ? aut quos non mollibus illa

Ludens illecebris dulciq; cupidine captans

Detinet, & cœco ſecum deuincit amore ?

Iam nunc vrbiſ opes, iam nunc ingentia rura

Oſtentans, cupidosq; ſui ditiffima largis.

G. in.)

Instaurans onerat donis, et ad oscula dūcit,
Complexūq; fouens ima in præcordia condit,
Oblitos patriæ melioris, et optima nunquā
Sæcula visuros, nec maiestatis in alma
Luce suæ lætum Diuumq; hominumq; parentem.
Fœlix o animiq; potens, quem nulla tenere
Munera pellacis terræ potuere, sed ille
Omnia contempsit secum, & male fida reliquit,
Aspirans, regnisq; inhians, quæ maxima primum
Pollicitus cœlo labens Mediator ab alto,
Quisquis in hoc campi spacio circoq; patenti
Assiduo iussus pugnam tolerare labore,
Non terræ latebris nec grato conditus antro
Cesserit, infesto neq; se male prouidus hosti
Dediderit, verum extremo sub fine petitam
Egregia victo tulerit cum laude coronam.
Ergo illum procures inter dominantis Olympi
Regia suscipiet, illum patria alta tenebit
Immortalem, alacrem, spirantem gaudia toto
Pectore, conspectuq; almi genitoris ouantem.
Haud alium nostro finem requiemq; labori
Da Pater, has operum laudes ea præmia per te
Fer Sacrum caput, & reparatæ gloria gentis;
Atq; in te referens se se mea Musa resoluat;
Seu canimus terras, ac non ignobile munus
Granuellæ struimus nostro; seu Cæsaris almi
Virtutes, rapidumq; imitamur carmine martem.
Sed iam age carpe viam ventisq; intende secundis
Vela, iuuat liquidis campis innare canentem,
Quis mortale genus iussu confidere terris,

Quæ loca, non vlli longum seruanda, pararit
Omnipotens, spiransq; illud cum lumine Lumen,
Quicq; bonus, qui verus, Amor, qui Trinus & vnus,
Perfectus, sapiens, quicq; est, viuitq;, mouetq;,
Et manet, excelsa circum caligine sæptus,
Regnator, Dominusq;, Pater, specieq; decorus,
Principium & finis, diuinæq; nomina cuius
Indefinitum linquunt simul omnia numen,
Hic hominum generi sedes, & tempora fecit,
Quum gemino pendens librabat cardine cœlum;
Firmabat terras, rerumq; elementa nouabat;
Tunc Arctos inter media Phœbeius ardor
Orsus iter candente plaga, & per maxima primum
Ingressus stadia alatis insueta quadrigis:
Tum gemini aduersis defixi in partibus Orbis
Illuxere poli, circum sistentibus axem
Ignibus, atq; alto vetitis decedere cœlo.
His medium extremis secuit Sol igneus orbem
Lumen agens, curruq; sedens sublimis in aureo:
Quem iuxta pariter tractus geminæq; relictæ
Parte ab vtrâq; plagæ, & clementia plurima cœli.
Continuo inducti fluctus, terræq; tumentem
Decurrere globum circum, & supra vndiq; fusa est.
Magna maris facies, ad opertaq; marmore tellus.
Quum Pater haud vna terras in parte remotis
Ostendens detexit aquis, discedere pontum
Dum iubet, & campos partim sub lumine Solis
Directo, partim dextra leuâq; iacentes
Imperat apparere, solum mortalibus æquis.
Atq; ea quæ primo pandens se extendit ab ortu

Solis in occasum, Titaniâq; astra secundum
Declinat dextra, notæ pars maxima terræ est,
Et populis latè foelix, dextrâq; cadentes
Vmbas semper habet, clamydi assimilata patenti.
Pars autem Cancro, aut quæ sidereo Capricorno
Subiacet, aut illi regio quæ prima propinquit,
Incalet, et summis densato sanguine membris
Corpora magna virum valido denigrat ab æstu,
Tum medio ardentis tellus sub limite Phœbi
Quæ recubat, pariterq; dies exæquat & vmbas,
Frigoris excessus magnos, aut illa caloris
Nescit, et assidua potitur placidissima cœli
Temperie, cui bis toto super incidit anno
Delius, at longæ noctes, tenebrâq; profundæ
Quiq; cadunt largo concreti rore vapores
Directos hebetant radios, æstusq; remittunt.
Atq; illic rapidis medium quum pulsât Olympum
Phœbus equis, dextræ summis de montibus vmbra,
Vel nullæ veniunt, alia vel parte sinistra
Funduntur, populosq; ideo dixere biumbres.
Quid memorem nostro terras procul orbe repertas?
Vtq; nouæ pateant æquor tentantibus oræ,
Vnde cadit Boreas, aut vnde grauissimus Auster
Incipit, aut tepidi mulcens venit aura fauoni?
Quæq; extra solem positæ, & quibus ardua surgant
In caput astra Polos fixis signantia flammis?
Nâq; ita hyperboreas hiemes moderatus & æstû est
Omnipotens, ne quas cœli inclementia genti
Axe sub è gelido terras aut sole negaret.
Præterea validi Phœbo impendente calores,

Aëreas

Aëreas quantum tenuati humoris in auras
Absumunt, tantum geminos conuersa sub axes
Frigora restituant, concretumq; aëra præstant
In pluuiam, et rerum status sic usq; perennis
Ducitur, inq; vicem mutata elementa nouantur.
Ergo ea quæ solem cœlo patet inter & Arcton
Maxima terrarum facies, septemq; triones
Sublimes videt, atq; umbras nunquam ire sinistras
Apprime dicenda mihi, et liquido ore canenda.

Sed prius vndisonæ lustrabimus Amphitrites
Ambitum, & Oceani, totum qui maximus orbem
Gurgite perpetuo tumidarum claudit aquarum,
Multaq; vicinis recipit cognomina ab oris.
Nam geniti Astræo Zephyri qua purior vrget
Spiritus, et blandum crepitans ver temperat aura,
Illic hesperijs turgens Athlanticus vndis.
Dicitur, his quoniam se sinibus adiicit Athlas,
Athlas frondoso surgens ad sidera dorso.
Gallicus est, qua Gallorum se inflectit in oram.
Quem supra ad Cauros lucisq; Britannicus ortum est.
Hinc magis in Boream septem geminosq; Triones
Ingens profertur late mare, cuius in alto
Insula terrarum residet non vltima Thule:
Hunc aliqui dixere sinum cui seruet in Euros
Schundia, nunc celebrata, latus peninsula dextrum:
'A zephyris nondum peragrata Bachallaos extet,
Et quæ terra virens illis Grolandia dicta est:
Hæc eadem à Borea gelida iam penè sub Arcto
Constituit curuata sinum, paribusq; Lapōnum
Creditur ex cultu simili contermina terris:

Quamuis prisca magis fueritq; illustrior olim
Fama mare haud illic clausum, sed crescere ad Axem.
Perpetuo; arctoos donec gelidosq; Laponas,
Et fortunos, rectaq; sub Axe iacentes.
Macrouios, circum versatis ambiat vndis.
Acer, hyperboreus toto croniusq; vocatus
Littore, ad Hyrcani donec fluit ostia ponti.
Quod superest Scythicaq; plagæ borealis & actæ,
Is Scythicus premit Oceanus conuersus in ortus
Æstiuos, fluctuq; immanibus æstuat oris.
Illum autem extremi primoq; oriente calentes
Eoum populi memorant, at solibus Indum
Subiecti medijs alijs, qui prima sub Austro
Regna tenent, post quem pelagus subfunditur ingens.
Æthiopum, lateq; Australia littora plangit.
Talibus Oceani dictus circumfluus humor
Nominibus, terras adit, & se littore curuo
Inflectit, multosq; sinus, sed quattuor implet
Inducto ingentes pelago. nam Caspia ab alto
Vnda ferens aditum Borea curuatur, & æquor
Efficit Hyrcanum, ac dulcem fert hausta saporem.
Quippe vbi versatis longe est superata fluentis.
Doris amara, cauo stagnant quæ plurima fundo
Persicus Hyrcanum contra sinus vrget ab Austro.
Tertius opposita Ponto regione receptus,
Læua habet Ægyptum, panchaia littora dextra.
Omnibus his longe spacioſo ingentior alueo
Quartus ab occalu veniens illabitur æstu.
Angusto, Herculeas inter refluente columnas:
Et nostrum interius condit mare, lataq; fundit

Æquora in Eoas penitus gradientia terras:
Quæ demum in geminum cornu diducta recedunt,
Inq; sinus abeunt duplices; quorum alter in oras
It Boreæ, Euxinum curuato gurgite pontum
Conficiens; alter Austris aduersus, & Euris,
Ægypti pelagus Pamphiliacq; æquora pandit.
Quattuor haud adeo celebres magno sale terram
Infusi sparsere sinus. quorum Indicus ingens,
Quiq; sui exceptat iuxta cognominis amnem.
Vritur & tumidis feruet Gangeticus Austris.
At validis Circi turbatur Gallicus auris;
Quiq; aditum haud lato Codanus borealior ore
Repperit in terras, qua Cimbrica Chersonesus
Scandauia obiecto boreali à littore distat.
Tantos terra sinus recipit; quæ littore quamuis
Perpetuo coniuncta sibi, & compacta cohæret;
Hanc tamen internas prisca discindere partes
Europamq; Asiamq; ausi, quæq; Aphrica monstris
Pullulat omnigenum regio fecunda ferarum.
Europæ ac Libyæ in medio est nostri æquoris æstus.
Ast Asiam Tanais Boreæ de parte volutus
Diuidit Europa, Meotidatq; influit imam,
Saurorum terris Scythiæq; rigentibus aruis
Limoso rapiens contraria flumina Nylo;
Ille sed occasum, Nylus magis aspicit ortum,
Ac leuibus fertur Asiam seiungere ab Aphris:
Nile diu tectos Solis sub limite fontes
Nunc retegis demum, ac medium septenus in æquor
Vndarum torquens immensa volumina condis.
Ergo Asiam è regione Euri, pluuiialis & Austri,

Ac Boreæ præmit Oceanus : qui plurimus idem
Circuit Europam à Gauris auræq; Fauoni
Necnon & cana fundens aspergine littus
Redit Aphrū obiectū zephyro, atq; australibus auris.

Nunc mare per medium, atq; intus sinuata feramur:
Littoræq; & multis celebres mortalibus oras.

Principio ratibus claras vbi condere Gades.

Cœperis, ingressus geminis freta pressa columnis,

A dextra libycum pelagus se monstrat : & alium.

Mane sequens Libycæ recta prætenditur ora.

At parte ex alia terris æquor Iberis

Alludens, notum pelagi fert nomen Iberi.

Gallicus inde sinus Narbonem, extructaq; Graijs:

Moenia Massiliæ attingit, speculæq; Niceam

Suppositam abruptæ: dehinc vnda Ligustica terris.

Obiicitur Ligurum, & saxosæ immurmurat actæ.

Excipit hanc mare Sardoum: cui protinus æquor

Transmisso Tyrrhenum instat, totamq; secundum

Funditur Ausoniam, ac Siculis includitur oris,

Spirantiq; freto: pelagusq; ita continet ingens.

Sicania, Herculeis longè dimota columnis.

Insula in Auroram: geminoq; ea septa recedit

Distinguente freto à Calabris, Carthagineq; alta:

Sed Libycas maior remouet distantia terras

Post vbi Trinacriam steteris, Lilybæaq; saxa,

Æquora dextra petens, Libyci te protinus æstus.

Excipient pelagi: Syrten fuge classe minorem.

At Siculum læua pelagus Sicania ad Eurum

Et Boream conuersa refundit littora, deinde

Nericios Locros, Rhegynumq; alluit agrum.

Vsq; in Iapigiam, atq; Adriæ maris ora frementis.
Hinc latere aduerso Pelopis de nomine terras :
Ambraciæq; sinus implet, bimariscq; Corinthi.
Ætalis Ionij longè sinus exit in oras
Arctoi, Boreæ Siculis porrectus ab vndis,
Ioniumq; olim, mox & stetit Adria nomen,
Adria qui longè ingrediens haud gurgite lato
Dalmaticos dextra fines, læua Itala seruat
Littora, in extremo summota Aquileia recessu est,
Nunc quoq; barbaricas mœrens Aquileia ruinas.
Hinc Siculo Ausoniū pelago, atq; hic Creticū inheret,
Myrthoumque mare : id Cretam iacet inter & Argos,
Atticæq; euerfas plangentia littora Athenas :
Cui Melanes sinus, atq; ingens super imminet æquor
A Borea Egæum, lateq; regurgitat, vsq;
Thermæosq; sinus, & Thraiciam Cheroneffum,
Hinc Hellesponti fauces : quo protinus ultra
Emenso, in pelagus crescit Propontidis vnda.
Expatians, iterumq; coit propiore sub Arcto,
Euxino confusa mari : qua Thracius illud
Immissum exœptat angusto Bosphorus ore:
Quæq; ferunt geminos olim se aduersa mouentes
Immaneis scopulos, inflictaq; saxa sonanti
Concurrisse freto, uastoq; illisa fragore,
Excidium prensis non euitabile nautis.
Hic maris Euxini nobis aspectus in ore
Ponitur : occurrunt croceos yndantia in ortus
Æquora ab occasu longo porrecta meatu :
Curuanturq; sinus gemini, penitusq; recedunt
Alter in Auroram, atq; extremi Phalidos ora,

Ora subingressas longè admittentia classes:
Alter in occasum; qua se magis æquora curuant,
Fluminaq; excipiunt immissa Borysthene ab alto:
In medio Euxinum positæ è regione coarctant
Ceu bimarem geminæ rupes; quarum altera in æquor
A Borea procumbit, & oblongam arietis atri
Designat frontem; & ^{ῥγιου} appellata ^{μέτωπον}
Altera in aduersum ex Asia subiecta Carambis
Dicitur, & recto de littore prominet vndis.
Ergo arcus Scythici recidens sub imagine Pontus
Fingitur: vt cuius Borealia littora cornu
Curua ferant præ se geminum, recta altera contra
Ducantur, tensi speciem præstantia nerui.
Imminet huic supra in Boream zephyrumq; recedens
Mæotis palus, angusto, quam Bosphorus ore
Cimmerius fundit, strictoq; eructat hiatu
Protinus Euxinum in pelagus, quamq; accola matrem
Subiecti esse maris non vanus credidit autor.
Rursus in Eoum Cretæis tendit ab oris
Carpathium longè pelagus, Rhodon altaq; lambens
Littora, sed contra Cretæi cærulea ponti
Imbriferum Syrtis maior sinuatur in Austrum,
Et vada versato panduntur feruida fundo,
Quaq; prius visæ medijs ceu vallibus vndæ
Nigrantes, altoq; ingens fuit æquor hiatu,
Illic mox æstu reuolutæ æquantur arenæ,
Inflictæq; vadis medio stant æquore puppes.
Huic minor assistit paribus famosa periclis
Syrtis in occasum, Siculi maris æquora contra,
Quas vbi transmissas Zephyris fœlicibus vsus

Liquit in Eoos contendens nauita portus
Ægypti pelago excipitur, imoq; subinde
Sydonio, at postquam in Boream conuersa carina
Illico amœna sinu fecundæ littora Cypri
Lustrarit, rursus proramq; pedemq; retorquens
In Zephyrum, fines Cilicum & Pamphylica viset
Æquora, littoribus curuis inflexa, draconis
In speciem, Mauris Libyaëq; arentibus aruis
Torquentis longo sinuata volumine terga,
Voluentis nodos, rursumq; sub orbe legentis,
Quum sanie, & spumis stridet lita semita fœdis.
At postquam Cilicum pelagus solisq; cadentis
Lumina sera petens Pamphylica littora classe
Liqueris, aspicias Lyciæ Patareida summam.

Talia terrarum gremijs infusa recumbunt
Æquora, totq; sinus, liquidis tot nomina campis.
Hic mihi Pierias sedes & Olympia Musæ
Culmina seruantes, medio memorate profundo
Quæ sedeant circum spumantibus insulæ in vndis.
Hesperio primæ cernuntur in æquore Gades :
Qua medias pater Oceanus perrumpere terras
Incipit, ac Libyam Hispanis discriminat oris.
Inde fretum ingressis, læuūq; secantibus alto
Solis in æstiuos ortus iter, obuia primo
Scombria fit : paruoq; noua Carthagine cursu
Distat, & Hispanum propius subit insula litus.
Hinc aliæ, quas exiguas transmittere præstat :
Maiores quoniam clarasq; ego persequor oras.
Non adeo exacta contentus imagine Mundi.
Nec procul hinc cursu Baleares. Insulæ eodemq;

Quæq; feris caret, & ponto stat Ebusus Ibero.
At Ligurum portus sinuataq; littora contra,
Corfica per sudum speculis monstratur ab altis,
Corfica sylvarum multa præcincta corona.
Inde Taphro distincta freto, productaq; in Austrum
Sardinia est, humana pedum vestigia fingens.
Interius saltos æquat Planaria fluctus,
Et circumfusus fallax vix eminet vndis.
Protinus Æoliæ septem; quibus Æolus atro
Hippotades tenuit luctantes carcere ventos.
Vltra autem triplici procurrat in æquora rupe
Trinacrie; quarum Pachinus despectat in Austros;
In Zephyrum Lilybæa; Aquiloni aduersa Peloris,
Fine sub Italiæ, raucis ubi transitus vndis
Inuius, angustiq; aditus, hinc rupibus atq; hinc
Obliquis, cautesq; inter sinuata recurvas
Incurrunt freta falsa; sonat rugitibus æquor
Horrendum, at trepidi pallent in gurgite nautæ.
Non ego vos Libyco Mœnix Cercinnæq; ponto
Transferim haud longè stantes Syrtén ante minorem.
Non indicta brevis mihi Cercinitis abibit;
Quiq; Tynim contra scopulus, mediasq; paludes,
Exiguus spatijs immanem sustinet arcem,
Testaturq; Ducis fuerint quæ robora nostri,
Quæ pietas, Enobarbū Heros quibus Austrius armis
Expulerit pestem Libyæ. Sed vektor ad Arcton
Ionisq; sinum pelagi; qua gurgite læuo
Insulæ lapigiam spectant, vndisq; minantem
Garganum, memores rerumq; & nominis ambæ
Atholi Diomedis, at ima vndantis in acta

Illyrici,

Illyrici, Venetumq; vadoso in margine, terræ
Mille iacent intersectæ refluentibus vndis.
Præcipue qua Meduacus Patauina per arua
Vorticibus placidis Superos deflectit in æstus,
Æquoraq; Oceanum fluxu atq; imitata refluxu,
Quas procul adueniens si quando accesseris oras,
Prospiciensq; albos tum primum è littore fluctus
Videris, extemplo noua lux oblata, marisq;
Turribus extructi: facies insueta tenebit
Attonitum: tantæ moles, tot clara domorum
Culmina, tot medijs educta palatia in vndis
Aurea: quin dominam pelagi postq; hauseris urbem
Ingressus, totum iuxta nil feceris orbem.
Præterea tractu præclaræ Absyrtides illo,
Cissaq;, Pullariaq; adsunt ante ora Timaui,
Istrorum terras propius: quas deinde sequuntur
Quæq; Liburnorum positæ è regione tenentur,
Quæq; sub Epiro stant alta Ceraunia contra,
Insignis, Celadusa bobus, Braicia capris:
Tum Corcira, solum biferis memorabile pomis
Alcinoi: tum Nericij ducis ardua regna:
Epiriq; abscissa solo peninsula Leucas,
Dulichiumq; Malæacis & Echinades vndis:
Hinc magis Ionio residens Cephalenia in alto
Insula se ostentat, necnon frondosa Zacynthos:
Hinc Strophades geming hinc veneri dilecta Cythera
Inde mari medio longè protenditur ortum
Creta sequens, pelagoq; vnum latus obijcit Aphro,
Alterum ab Ægæo præmitur sale: Carpatus vltra
Insula ad Ægyptum spectans Cretam inter & altam

Illustremq; Rhodon: quam post, ad lumina Solis,
Sunt Taurum contra pelago super incumbentem
Dira Chelidoniæ miseris discrimina nautis
Ter geminæ: quas quum Venetus mercator in Ortus
Nauibus effugiens euaserit, iam aspicit alto
Carpathio Cypron opibus luxuq; fluentem.
Proxima Phœnissis Arados iacet insula terris.
Ast aliæ Ægæi vasto sunt gurgite clausæ:
Quæq; Asiæ dextrum seruant latus ordine, quæq;
Finibus Europæ assistunt, & læua secundum
Littora, in Arctoum Boream cedentia retro,
Sextos vbi aduersam iuxta conspectat Abydum,
Angustocq; aditu compressu Athamantidos Helles
Iungitur Ægæo pelagus. Ergo Attica contra
Littora sunt, Salamis, altumq; Ægina Pyræum:
Inspiciens mox Bæotis ponte additur oris
Euripoq; Eubæa breui distincta recedit
Tum Scyros ventosa, tum sublimis Peparæthos,
Vulcaniq; domus Lemnos, qua maximus umbram.
Eiaculatur Athos, non hinc Thasos aurea longe est
Imbrosq;, atq; Samos, quæ mox Samothracia dicta est.
Ast Asiæ in partem myrtoa Cyclades vna
Concessere, choro stabilem circum vndiq; fusæ
Orthigiam: post quam Sporades: quibus æquora late:
Apparent inspersa maris, teu sidera aperto
Quum diffusa polo sublustri in nocte renident.
Hic etiam Antandri saxum, hic Iunonis alumnam.
Est vidisse Samum, Milesia littora contra:
Inde Chium Bacchi donis et Apolline notam
Deueniens, montesq; & summa cacumina cernas.

Terrarum, circumfuso quæ marmore surgunt
Ægæo, Æoliam iuxta; quo lata recessu
Imo Lesbos inest, Tenedosq; vbi condita classis
Argium Troiæ excubias Priamumq; fefellit.
Est etiam Euxino fama clarissima Ponto
Insula, Pelidi sacram quam fecit auorum
Religio, lucisq; animas volitare ferebant
Magnanimum Heroum; ac Leucen dixere, quod albis
Nitentes pennis volucres, illo vndiq; tractu
Educat, aduerso subiecta Borysthenis ostio:
Phænagore ad leuum latus est, post ora paludis
Insula, & vrbs illo claram se nomine iactat.

DE PARTITIONE ORBIS,
Liber secundus.

EX in tergeminas Orbis diuellere partes
Protinus in patrias, insigneisq; exequar oras,
Orsus ab Europa, varijs ea gentibus omnis
Incolitur, nisi qua vastis iacet obsita syluis,
Aut deserta cauis fluuio stagnante lacunis
Planicies, rupesq; vacant cultoribus altæ:
Id niuib; Ioue & assiduis curante pruinis.
Ipsa sibi pacisq; artes belliq; paratus
Sufficit, ac longe ingentes Europa ministrat:
Ipsa sibi est satis, externæ nihil indiga terræ,
Diuersamq; trahit variæ sinuata figuram:
Atq; has vna simul iungens tot colligit oras.
Æthereo primam quum Sol decedit Olympo
Respicit Hesperiam; gemino velut insula ponto

Quæ residet, mediumq; Salum iacet inter, & æquor
Oceani: in Boream qui littora versa, leuesq;
In zephyros, domat adductis Athlanticus vndis
Monte sacro tenus: hinc raucis latus vrget ab Austris
Herculeam ad speculam: mediū qua deinde profundū.
Incipit inflecti ad montis iuga celsa Pyrenæ,
Pyrenæ iuga celsa; æstiu lumina solis:
Quæ recipit, clauditq; Isthmum, Gallosq; coërcet.
Ipsa ingens regio paucis exercita aratris,
Incultisq; iugis breuib; asperrima syluis.
Quippe vbi non campi putres, non humida riuus
Pascua, sed tenuis semper ieiunaq; tellus,
Præcipue in Boream Oceani qua parte tumentis.
Excipit incurfus, nec nullo frigore torpet.
At latere aduerso Herculeis propiore columnis,
Frugibus expletos vlli non inuidet agros.
Illius è medijs ducens regionibus ortum
Tendit in occasum largo Tagus aurifer amne,
Nec longè Celtis fluctus deducit Iberis.
Diues Anas: qui dehinc madidū conuersus in Austrū.
Ingreditur mare purpureum, mediamq; relinquit
Planiciem Celtis, & transpositis Lusitanis.
Nec minus & Bethis, quo Bethica nomine fertur
Fœlix ingenijs regio, torquetur eodem
Quo deuectus Anas versat sua flumina tractu,
Sedibus haud alijs manans: amboq; feruntur
Sacrae inter rupis speculam, læuasq; columnas,
Atq; ambo gemino nituntur in æquora cornu.
Inde fretum iuxta Herculeum latera ardua Calpe:
Attollens mons subiectis breuis imperat vndis.

At Turdetani degunt regione coloni,
Quàm placida Bethis tardans interfluit vnda;
Plurima pascentem foelicibus hubere campis
Oppida: miraturq; domos, digestaq; ripis
Putri arbuta solo, iuuenumq; opera atq; labores,
Inuectasq; rates, & ripis errat amœnis.
Hunc super, vnde rigens Boreas cadit, vndiq; latus:
Argenti atq; auri videas indagine montes.
Nec minus & regio, ac flaua micat omnis arena
Amnis, & effossi grumis rutilantibus auro
Splendescunt tumuli: nec Crysoplysia defunt
His celebrata locis: nec quicquid diuite foelix
Fundit humus cornu, pecudes liquataq; mella,
Purpuraq; miniumq; rubens: quid vellera dicam?
Quid conchas: quibus ora mari vicina referta est:
Glandibus & pingues sparsis in litore Tynnos:
Vtq; ea tuta feris rabidisq; incognita monstis,
Sed breuium quondam leporu plaga prodiga, ab illis:
Iam fuerit vexata, solo qui sæpe latentes
Innumeri fodere cauas, penitusq; resecta
Perniciem radice satis, syluisq; dedere.
Sed quid ego hinc alias iam non festinus in oras
Digredior? neq; cuncta meo percurrere sedit
Carmine, & Hispanis tantum consistere terris.
Non tamen indicta prorsus Lusitania abibo:
Maxima quæ Hispanæ regio telluris, & armis
Ac leuium superare dolis aſueta virorum:
Hanc latere australi cingit Tagus, actaq; longo
Vettonas per agros Carpentanosq; fluenta
Voluit agens cursu, Celtasq; vnde ortus Iberos:

Deserit, ac demum redeuntibus æquore ab alto
Nauibus occurrit, ingentiaq; ostia pandit.
Præterea à Zephyro fluctu Lusitania uasti
Spargitur Oceani; at renouatæ lucis ab ortu
Toleti impendit regio; tum maximus amnis
Durius à Borea longè prætenditur: vltra
Galleci assurgunt populi, qui montibus altis
Insedère, animis pugnae manibusq; parati.
Ipsa autem in Zephyrum ac gelidos Gallecia Cauros
Funditur Oceano, & terrarum terminat orbem.
Hinc ad Pyrenem sedes, asperrima cultu
Gens habet, & ferri venas rimantur in antris,
Aut mare sollicitant, primamq; per æquora laudem
Seu remis insurgere opus, seu currere velo,
Cantaber, atq; auri diues sibi vendicat Astur.
Quæ vero nostro perfunditur æquore, & inter
Calpemq; & collem media est plaga Pyrenæum,
His distincta locis colitur pulcherrima tellus.
A' Calpe vsq; nouæ ad sedes Carthaginis, agrum
Bastuli pascuntur, Oretaniqu; marinæ
Oræ incumbentes; supraquam, vertice collis
Fronoso atq; auri miris præstante fodinis
Erigitur. sed amœna lacu, tum commoda portu
Carthago reliquis illo se littore iactat
Vrbibus; hanc inter, & Pompeiana Trophæa
Pyrenes erecta iugo, & vergentia in æquor,
Insidet Aufonijs vrbs oportuna carinis,
Scipiadumq; erecta manu, & molimine magno,
Tarraco. tum Pyreneas flauentis ad arces
Planicies profertur agri, qua plurimus vndam

Torquet agens longo cantabris montibus amne,
Sulceptisq; tumens fluuijs augetur Iberus.
In medio terras Celtas inuertere Iberos,
Ac loca dura ferunt, ruptisq; vndantia quondam
Aggeribus, nunc tempus Ibera excedere terra
Vrgentem latos Gallorum inuisere fines.

Gallia Pyrenen citra fœcunda recumbit
Prole virum, Martem melius quàm florida rura
Exercentum in equis, in apertaq; bella ruentum,
Quiq; manu facta crepitantia ad arma repente
Concurrant, nec multa dolo meditentur & astu.
Tota ferax curuis regio sulcatur aratris,
Nec milium glebis, frumenta q; læta subactis.
Abnegat, & tota est pascendis commoda tauris:
Ac passim pecori superanteis suggerit herbas:
At non tota ferens stirpis pallentis oliuæ est,
Nec penitus mites præbens in collibus vuas.
Quæ vero medium tellus prospectat in æquor,
His fruitur fœcunda bonis. Nam Gallia Rhenum
Germanos contra statuit, qua luce coruscat.
Orta dies, Italisq; alpinas obijcit arces.
In Boream vero, & lucem conuersa cadentem,
Oceano patet, atq; Hispanis iungitur oris.
At maris interni sinuatas excipit vndas
Limite ab Australi; magnasq; ea quatuor omnis
Scinditur in partes, quarum curuata profundo
Occiduo ex tumulis Aquitania Pyrenæis,
Proditur in Boream, iunctis contermina Celtis.
Ad Ligerim, multo trans auctum fonte Garumnam:
Qui medijs orti Gallorum è montibus Alto.

Hesperio largos tendunt immittere fluctus.
Partem aliam Ligeris porrectam clara secundum
Flumina solstitij æstiu diffinit ab ortu
Sequana; at à Borea & vehemens qua Circius efflat,
Alluit Oceanus: Lugdunensemque vocarunt
Lugduni memores præclaræ his finibus vrbs:
Atque illam Galli tenuerunt nomine Celtæ.
Tertiâ pars inter Rhenum, & tua Sequana fidens
Flumina, ad Oceanum Belgis transcribitur omnis.
Addita Narbonis regio: cui vertice ab alto
Surgunt Gebennæ, & præcella cacumina Iuræ,
Contra autem australi, atque interno funditur æstu
Omnis, & antiquum seruat Prouincia nomen,
Fertilis, æquarique Italis dignissima regnis.
Hanc inter rapido Rhodanus fluit impete aquarum,
Interiora petens cursu maria usque citato:
Cui plaga quæ læuum seruat latus, inter & Alpes
Clauditur, ad rapidi pertingens flumina vari,
Pluribus optenta est populis: quos flumina celsis
Alpibus in Rhodani dirimunt labentia fluctus.
At mihi Gallorum gentem comprehendere versu
Difficile est: quorum nostris inscribere chartis
Nomina Musa vetat, reliquasque attingere partes
Iamdudum properat. Belgæ terquinq; potentes
Gentibus, ad Rhenum quondam sua regna ferebant,
Mox autem ad Scandem & medio post flumina sistunt
Sequanæ ad Oceanum spacio: nam cærulæ illuc
Sequana, ab ætrijs ductos mouet alpibus ortus:
Lutetiamque caput regnorum interfecat urbem,
Lutetiam, qua non florentibus altera Athenis

Moribus

Moribus vrbs Sophiaꝝq; magis contendit honore:
Ille suum vertens campis iter, exit in æquor
Oceani, Caurum aduersus, mediosq; Britannos.
Hic & Bellouaci belli gens inclyta fama
Et Rhemi, & quorum tellus Campania dicta est:
Hic vbi pugnandi præceps incesserat ardor
Cognatas acies, discordiaq; agmina turbat;
Hinc Cæsar gelida rapit indefessus ab Arcto
Immanes populos, vnaq; Britannus, et omnis
Effera conspirat magno Germania motu.
Hinc Rex horrifono secumq; excita tumultu
Gallia, sollicitant martem, atq; effundere certant
Alterutrum, & multo furias explere cruore;
Nec tamen ardentes pugnae fiducia Gallos
Sustinet; ast acies æquo committere campo
Et conferre pedem veriti; tum mole tonante
Mœnibus eiekti Legnii, Sanctiq; Desiri,
Exposcunt pacem; atq; Oriens Dux, regia proles
Cæsaris accessit solium, precibusq; decoris
Obtinuit; quoniam semper sic horrida dextra
Bella gerit Cæsar, placidam ut ferat altera pacem.
At rota digressum terris nimis incita currum
Sæpe rapit; quare flexis reuocatus habænis
Vertor ad Eluetios, & qui iuga summa Aduellæ
Attingunt montis, Rheni caput vnde fluentis,
Atq; Aduæ, sed enim diuerso tramite Rhenus
Pergit in Arctoum pelagus, crassasq; paludes
Implet aquis, spargitq; lacus: tum flumine terras
Diuerso petit extremas, & in æquora tendit
Hos tractus atq; hæc borealia littora circum

Menapij Batauiq; habitant, populiq; Caletes :
Illic & Morini, & felices Præsides sacro
Atrebates; illic Gorduni, & nuper alumno
Vrbs infida suo, quam non reuerentia mouit
Cæsaris hincorti, gestarum aut gloria rerum :
Ille tamen domitam validis infrenat habenis :
Eductumq; minis castellum appellat Habenas.
Hactenus vndosi late trans flumina Rheni
Nunc immissa suos profert Germania fines :
Mutatæ sedes, conuersaq; nomina regnis,
Geldria nunc illic regio, atq; Holandia fertur.
Atq; solum, quo Dura fuit, quæ spernere iussum
Cæsaris aula, nefas, iuuenemq; secuta furentem,
Triste tulit fidei exemplum deperdita fractæ.
Flandria sed terras illis supereminet omnes:
Flandria barbariem, ritusq; exuta priores :
Atq; olim assiduis belli plaga vasta procellis
Hæc erat; arua situs, syluæq; inarata tenebant :
Et passim horrentes surgebant vndiq; vepres :
Tristis vbiq; locis squallor, latebræq; ferarum :
Nunc vrbes, arcesq; nouas, & amœna locorum
Mirari licet; vt late viridantibus aruis
Se placidi attollant tumuli, vt prospectus ab alto
Florentem in campum, & digesta arbusta per agros
Non aliter quadret, mentemq; oculosq; moretur,
Quam si Parrhasio, aut palmam indignatus Apelli
Zeusis, in antiquis effinxerit illa tabellis,
Omnia componens, fuluisq; coloribus agrum
Sparserit, & liquidas terris induxerit vndas,
Exiguosq; lacus, tectos vmbrañtibus alnis,

Et circum virides ripis in mollibus herbas.
Nec quisquam inspectans muros, atq; oppida lecto
Structa solo, damnet circosq; & strata viarum
Artifici dimensa manu, & posita ordine tecta,
Fanaq;, mœniaq; & pulchris data iura theatris.
His tu præcipue terris mirabere matrum
Ingenium, formæq; decus, animosq; viriles.
Illis cura domus quamuis impendat omnis,
Sæpe etiam merces, atq; extra limina tractant,
Perq; vias, interq; viros versantur: at illi
Egregij claris exercent artibus annos,
Vestigant rerum causas: pars arma capeffunt,
Pars vegetis nemorum in saltus venatibus errant.
Hic nunc virtutum palmæ, decora inclyta Martis,
Magnanimæ gentes: hac se gratissima cœlo
Extendit regio, & Regum domus alta meorum.
Hic decus est, hic romanæ facundia linguæ:
Huc Latium migrauit, & his pius editus oris
Vella Pater creuit, et vos patris aurea proles.
Hæc eadem ingenti tellus se iactat alumno,
Qui nunc Imperio terras, sua nomine sæcla
Illustrat, nostrumq; immissa pace per orbem
Tendit in Auroram, & terras pietate carentum,
Arma, crucemq; ferens: subsidunt æquora classi
Augustæ, et pandis neptunia regna carinis:
Ipse manu torquens humanæ inligne salutis
Pacatas vocat Hesperias, septemq; Triones,
Protinus in partem, & tantarum præmia laudum.

Iam satis huberibus Gallorum errauimus agris,
Continuo hinc ingens visenda Britannia nobis

Insula ternorum laterum descripta figura:
Quorum vnum longè maius prætenditur Austris,
Littoreæq; plagæ: qua Belgica terra Britannum
Distinet Oceanum, & brevis est traiectus vtrinq;
Ergo omnis breuibus distincta Britannia cliuis:
Quæ reliqua est mediæ facies planissima campi,
Et pecoris diues, & frugibus utilis almis,
Arbustisq; viret per culta comantibus arua:
Hic nebulas Sol mane nouo vix discutit agris
Vsq; recumbentes subuecti ad lumina currus:
At non solstitio cæcis nox atra tenebris:
Sed dubiæ potius cernas crepuscula lucis.

Hinc mihi fert animus redeunti vertice ab alto
Dicere, qui Gallis primi ad spectacula solis
Iungantur populi frondosisq; alpibus errent:
Nam primi Ligures rapidi post flumina Vari
Immane is habitant rupes, urbemq; Nicæam,
Herculeos portus, præruptaq; saxa Monechi.
Albionq; Intemelium, & statione receptam
Vrbem Albingauni: Ligures quo nomine dictos.
Hos Intemelios memorant, at protinus illos
Ingaunos, omnes Italo se iure tenentes:
Quos iuxta resident Genuæ inuidiosa nouercæ
Molibus obstructo Sabatia mœnia portu.
Hinc Alpes ortæ gelidam tolluntur ad Arcton
Assiduis canæ niuibus, populosq; Brachatæ
Galliæ, & Insubres inter discrimina ponunt.
Atq; hinc Taurinos; illinc habitare Medullos.
Alpinas compertum arces: qua parte rapacem
Irrumpens Isar Rhodanum miscetur in vnum,

Hos supra Varagri, Nantuataeque feruntur,
Lemanusque lacus, Rhodanus quem persecat ingens,
Caturigesque, & quos nunc dicta Sabaudia pascit,
Quique tenet fontes Rhodani, quique accolit ortum
Labentis Rheni gelido de monte Aduellae:
Vnde Aduae cursus agitant enata fluenta,
Per Rhetos rauca longè crepitantia valle,
Como incumbentes Rhetos, ubi dulcia Bacchi
Munera, & apricis nigrantes collibus vuæ.
Hinc adeo conuersae Alpes torquentur in Euros,
Germanosque Italici curuo velut aggere septis
Excludunt; Rheti venalia ad arma ruentes
Bergomeas supra valles versantur, & altis
Montibus insistent populi. Nam Rhetia ad Austrum
Imminet Italiae, & vergentes occupat Alpes
In Boream, Europaeque omnes super edita terras
Danubiumque, Aduamque parit, Rhenique fluenta
Excitat, & partes fundens deuoluit in omnes.
Atque ea prima Lico ex Euris includitur amne:
Qua noua Grisonum pubes, veteresque Sueui,
Quaque Acromum spectare lacum est, arcemque Briganti.
Altera ab Aurorae speculis huic Rhetia Primæ
Subijcitur, fluuiumque Lici iacet inter & Oenum,
Qui medias ægrè scopulis luctata per Alpes
Flumina Danubium voluens deturbat in altum:
Hisque Austri de parte iugis Athesina recumbit
Rhetia, Veronam supra. Tum protinus instant:
Norica qui castella tenent, terrasque patentes
Ex Oeni fluuii montis iuga ad edita Cætij,
Danubij ripam citra: quo tramite Iulæ,

Carnorumq; sedent Alpes, maria intima supra,
Adriacosq; sinus, hic Alpibus exitus altis :
Quæ veluti tensum sinuato limite in arcum
Italiæ basim claudunt : medioq; Salassi
Subsedere sinu, & montes tenuere reductos.
His mirum quæ tecta iugis quæ condita castra,
Quot populi alpinis peragant in montibus æuum :
Quippe vbi nec Cereris, nec mitis copia Bacchi,
Sed nemora abietibus patulaq; umbrantia fago,
Et piceæ pingues, Orniq; famemq; leuantes
Castaneæ : hæc inter pecoris balatibus æther
Pulsatæq; sonant valles : tum iugiter illi
Ferro exercentur, duriq; incudibus enses
Assiduè crepitant, pars mollia pensa Mineræ
Vrget opus, pars effossas educere cotes,
Obnixi subeunt latebras, & viscera montis,
Aut etiam argenti venas, aut diuitis auri
Vestigant, auro tellus se Norica iactat,
Atq; auro nonnulla fluunt vaga flumina, quorum
Serrius haud viles ac Duria voluit arenas :
Serrius, emissatolim qui Vere madenti
Plenior Alpinis deuoluit fontibus vndas :
Et patriæ in campis pelago vagus errat aperto
Bergomeæ : ac nostram iuxta prælabitur urbem :
Cuius prima sacro dederint qui nomina monti,
Quæ natura loci, quæ lætæ industria genti,
Altius hæc alij repetunt, artesq; virosq;
Commemorant; verum omillas iniuria matres
Attigit, egregio nec reddita gratia sexu :
Illarum obliti præconia condere, castis

Moribus, & raro decori nocuere silendo,
Fæcundisq; vteris: quæ nunc ego maxima fando
Dona Deum, cur dissimulem? tacitosq; relinquam
Virginei cultus & matronalis, honores?
Has aliquis spectans sacraria ad alta frequentes
Quum venere, gradum, properet licet, aduena templo
Sistit, & admirans viuæ tot lumina formæ,
Tot claras pietate nurus, habitusq; decoros,
Orasq; nectareosq; sinus, defixus in illas
Lumina, hiat; studioq; magis gaudere videndi
Incipit, & dulcem nutrit sub pectore curam;
Atq; his hærentem dictis affatur amicum.
Quas ego non vrbes terræq; mariq; profectus
Lustraui; quæ non merces atq; arma secuto
Terra inspecta mihi, moresq; & nomina gentis,
Et quæcunq; suis regio est memorata puellis?
Attamen his nondum spetie, gratoq; lepore
Præstantes pariter reperi: sint læta Caystri
Flumina Mæonia circum ludente chorea:
Sint Veneræ insignes: maneat sua gloria Achæis:
Spartanisq; sua: & Genuæ viridantia amentur
Littora formosis: sint & sua nomina Tuscis
Virginibus: raraq; Hispanæ laude ferantur.
Sic aliquis fatus, quanquam via longa morantem
Sollicitat, mensq; dies inclinat Olympo,
Vix tamen abscedit, lentusq; euellitur vrbe
Bergomea, qua me prodisse in luminis auras
Gratulor, Augustæ prisco de sanguine gentis:
Quæ Latium mœrens patriam, Romæq; penates,
Desertos referens, Augusti in honore vocari.

Obtinuit, diciq; tuo de nomine Cæsar:
Atq; ita testatum sæclis fecere futuris,
Quos animos in rem Imperij, quam pectore curam
Magnanimi fouere viri: quorum acta secuti
Nos sua progenies studiorum & nominis hæres,
Atq; animos atq; acta pijs totamq; dicamus
Cæsaribus pronamq; domum, semperq; fauentem
Augustam Augustis. At me percurrere terras
Ausonidum iuuat, & triplici pulsata Profundo
Littora, nam Siculum longe procurrat in æquor,
Humentemq; Notum veluti peninsula tellus
Italix: læuum cui contegit Adria littus:
Tyrreno dextrum pelagi subfunditur æstu:
At gelidæ contentum Alpes curuantur in arcum:
Circuitu in Cauros sinuato, & vertice montis:
Extremi quarum fines super vtracq; ducti
Æquora deueniunt, Superiq; Imiq; recessum
Attingunt pelagi, iunctis vbi collibus ingens
Ad niueas Alpes Pater applicat Appenninus:
Qui deinde in Tuscos penetrans, Solemq; secutus
Surgentem, petit Anconis clausa æquora portu,
Et Ligurum dextra littus, planissima leua
Camporum linquit spatia, hinc deflexus optimæ
Per medium Italix graditur, Picænaq; rura,
Lucanosq; vbi se rursus detorquet in agrum
Rhegynum, Siculisq; fretis adit vsq; minantem
Leucopetram. Verum alpinis putris æquora campi
Interclusa iugis, & pinifero Apennino
Romani florem Imperij, perlabitur ingens
Eridanus, Vesuli qui montis origine missus

Præcipiti

Præcipiti in Boream, placido mox gurgite sese
Flectit in Auroram, terdenaq; flumina torquens
Diuiso Adriacas pelago deferitur in vndas.
Sic omnis campo varie distincta, iugisq;
Italia est, frugum populorumq; optima nutrix:
Ac si qua asperior montis natura maligni est,
Nec frugum docilis, mores tamen vsq; colendo
Abijcit agrestes, alimenta q; mitia præstat:
Illuc aprico pressis ceruicibus agrum
Important saxo, vinetaq; in ordine ponunt:
Aut oleam infodiunt, aut pullæ germina ficus,
Et campum florere docent in cautibus, illic
Mascula & assiduo pubes durata labore:
Namq; vbi maior adest spatiosis huber in agris,
Illis lenta magis mortalibus ocia curæ:
Et lyra commissas agit pulsatæ Choræas.
Præcipue hispanis postquam prouectus ab oris
Austrius affulsit terris insubribus Heros,
Imperijs insignesacrum, & Diadema recepit:
Tum positis belli furijs, & pace reducta,
Depressæ vicio leges, desuetaq; iura,
Surrexere: viri campos vrbesq; relictas
Iam repetunt, non his litui, non classica somnos
Excutiunt inflata leues, adamataq; turbant
Ocia, sed placida degunt in pace quieti:

Quod reliquum Europæ est ingens intersecat Ister:
Quicaput attollens Abnoba è monte refusum,
Fluminibus crescit niueas linquentibus Alpes:
Principioq; Notos, conuerso hinc agmine Pontum,
Auroramq; petit, multis immane volutus

Camporum spacijs: huius Germania leuo
Prima sedens lateri, vergit Borealis ad vndas
Oceani: post Germanos Orientis in oras
Dacia subsequitur, Getici pars maxima tractus:
Nam Geticis semper terris prætentus ab Austro
In mare decurrit, largusq; elabitur Ister.
Bastarnæ supra Dacos, a vertice sistunt,
Tyrrigetæ post Bastarnas ad lumina Solis
Prima, Borysthenei liquidum trans fluminis amnem:
Hinc equitum numero ingentes cernuntur Alani:
Neuricq;, Hippopodesq;, & cæruleas Agathyrsi
Postremo gens picta comas: non his Vasilæi
Finibus absistunt, Hippimolgicq;, Gelonicq;
Et Tauri, & Nomades, & qui media æquora campi
Inter habent Tanaim Clarumq; Boristhenis amnem
Sauromataeq;, & Rhoxani: super hos Arimaspæ
Quos iuxta populi Periphori astare feruntur
Altius, indomitasq; hiemes & frigora moerent:
Hinc & Ryphæos montes, damnataq; frugum
Arua vice, ac Boreæ sedem dixere niualis.

Hæ populis habitæ sedes ea nomina quondam
Sauromatis: qui Germanos Orientis ab oris
Contingunt: varios discriminat Istula fines:
Istula Prutenos peragrans, quem Carpatus amnem.
Exiguum primo mulcosis nutrit in antris:
Ille petens Boream, fluuijsq; & robore crescit
Auctior, atq; onerum patiens pressaq; carinæ,
Vsq; per immensos reuoluto flumine tractus
Balthea ter gemino defertur in æquora cornu:
Baltheo enim pelago alluitur Germania ad Arcton,

Nunc Rhenum in Gallos, tunc et transgressa tumentē
Danubium, supra Italiam, populosq; Togatae
Galliae, & aëreas Altae sibi vindicat Alpes:
Verum olim indomitam pavit Germania pubem,
Diuisumq; genus gentes in quinque recepit:
Ingeuonasq; super gelidum appellauit ad Arcton
Littora seruantes, fluxu vexata refluxuq;
Oceani, & Daniam nunc, Cimbrorum Cheroneffum:
Tum qui Danubij & Rheni accoluere fluenta
Isteuonas, at qui trucibus confinia Dacis
Oppida complerunt Peucinos nomine dixit:
Hos omnes inter, medijs confidere terris
Hermiones dicti, quartum genus: vltima ad Alpes
Consedit Germanorum vel maxima pubes
Vindelici, ast illis iam sunt noua nomina terris,
Austria nunc illic fertur contermina tellus
Pannoniae: qua Turcharum trepida agmina Caesar
Dispulit, atq; urbem leuat obsidione Viennam:
Austriæ ab Occasu propius Bauaria inhæret:
At super Hercinia est præcincta Bohæmia sylua:
Nomen adhuc priscum retinent Phrysiq; Toringiq;
Hessi, & Misni: quicq; in loca proxima Rheno
Migrarunt Catti, & montis saltus Meliboci:
Quid memorē Sueuos? quid Cimbrica Cheroneffus
Quos habet, Oceani crescenti obnoxia fluctu?
Quid Francos? quorum Gallis præclara subactis
Gloria perducto in victos cum nomine durat.
Saxonas an populos sileam? qui fulmine & actis
Pontificum offensi nimiaq; cupidine habendi,
Spernere cæperunt, ac mox indicere bellum

Romano Imperio fanda atq; infanda profati:
At bonus errantes iustis compescuit armis
Cæsar, & argentem capto Duce fregit ad Albim,
Nam celebres Germani omnes. Mœnusq; Nicerq;,
In Rhenum elapsi, quorum viridantia ripis
Vicinumq; procul frondent vineta per agrum,
Necnon Amisus, necnon & Sueuus, & Albis,
Lupiaq; & Visurgis, arondineusq; Viadrus,
Omnes Oceani properantes æquore mergi.
Hæ passim frumenta ferunt & pabula terræ,
Pinguia, nec vitis latices plaga plurima dulcis.
Abnegat, ac varios ramis inducere fructus.
Exin Sarmatiæ populos cognoscere promptum est:
Ingentes, nam plana illic Polonia late
Proditur, & regno fines protendit apertos,
Docta fidem, & mores posita feritate benignos,
Rutenis illi ex oris Phœbeia lampas
Emicat, occasum seruat Germanica tellus,
Carpatus Vngariam mons interiectus ab Austro
Summouet; in Boream conuersa Porusia surgit,
Danubij Vngariam Tibisciq; alluit amnis,
Influit australem qui piscosissimus Istrum,
Tibisco saltus à flumine Transylvanos
Perfidi in Auroram populi tenuere, Deumq;
Immemores, qui dum sacri mandata recusant:
Imperij, & Ferdinandi iustissima sceptrâ
Impugnant; Turcis regnum cessere vocatis
Pannoniæ, diriq; iugum subiêre Tyranni.
Vallachia vltior tellus ad littora Ponti
Spargitur, & trucibus parens Moldauia Turcis.

Has super in Boream fœcunda Podolia tendit
Sarmaticos vltra montes, & flumina Tyræ
Russia qua Tanais fluuium & Mæotidis æquor
Obijcit, Auroræ, mediamq; Leopoliſ vrbem
Sustinet, & late florentibus enitet aruis,
Hanc bello assidue cursu confusus equorum
Tartarus exercet; vastatisq; ingruit oris,
Imminet huic gelido surgens Lithuania ab Axe,
Metropolimq; nouo serpat cognomine Vidnam,
Pruteni præpingue solum cultuq; frequenti
Frugiferum exercent; namq; omnis ab æquore tractas
Balthæo ad Hircanum pingui fœcundus arista est;
Hic vbi iacta semel culto vel segniter agro
Semina sufficiunt triplicem mirabile mensem,
Continuoq; tribus pariter redeuntibus annis
Alma Ceres flauis iniussa resurgit ab aruis:
Nec minus hic herbas riguis mirabere campis
Surgentes, vallumq; una sub nocte tegentes:
Vtq; apium syluas resonent examina passim,
Immensumq; trahant longa sub luce laborem:
Hinc grandis cærarum orbes, & copia mellis
Plurima diuisas longè defertur in oras.
Prussia ab Arctoo Codanum mare sustinet axe
Succina qua gelidis durata leguntur in vndis:
Occidua est illi ac propius Saxonia sistit,
Poloni australes, Amaxouitæq; feruntur:
Hinc magis in Boream æstiuq; Orientis ad oras
Surgit & ipsa sciens sacri Liouonia cultus,
Sarmatico vicina mari, Codanoq; gelanti
Terra sinu, citra Tanaim, qua lucibus octo

Maturatur iter. Codanum Cronos influit amnis
Sarmatiæ: ast alia de parte Borysthenis vnda
Inuehitur Pontum, & memorabilis Axiotæ.
At Tanais supra fontes latissima regna
Moscouiæ procul excelsam panduntur ad Arcton,
Æstiuosq; ortus, Iuhra Corelaq; supremis
Orbis, & è gelidæ Scythiæ dominantia terris:
Qua domus Edoni Boreæ, & iuga longa frementi
Oceano prætenta iacent, elataq; collem
Perpetuum obiectat borealibus ora procellis,
Albus & immensos terræ lacus excitat amnes
Moscouiæ, Vohlâm ingentem, geminumq; Duidnâ,
Ochamq; Tanaimq;, & de quo Russia nomen
Alba tenet Moscum, ripis cui regia longe
Vrbs sita Moscouiæ est,eductaq; lignea tecta,
Isq; omnis campo tractus porrectus aperto est
Inuius, æstiuus quum stagna caloribus illic
Plurima liquantur, Scythicæ tum maximus amnis
Sarmatiæ ignotas largo velut æquore terras,
Tempore vbi intumuit certo, & sola plana Duidna
Alluit, & pingui campos obtendit arena,
Nec non Hercinia æstiuos profertur in ortus
Sylua feris pollens varijs, nunc vndiq; cæsis
Rarior arboribus, multoq; exulta nouali.

Nunc age supremos tractus audire sub Arcto
Ne pigeat, Codanumq; sinum, qui Cimbrica iuxta
Littora fert aditum à Zephyro, & lunatus in ortus
Æstiuos longe penetrans, Germanica dextra
Littora, Prutenosq; habet, & sub fine Liüonos.
Ast aliquot læua sinibus procurrat ad Axem

Imparibus, quorum maior compressus Alanda
Insula, ubi angustis deprensa in faucibus hæret,
Finnonicus, Sueticusq; locorum agnomine dictus:
Huius ab Aurora dextrum Finandia littus
Obtinet, in Boream pretiosæ Bothnia pellis.
Diues limitem habet: lateri peninsula leuo.
Assidet Europæ descripta in partibus altæ
Schondia, & hoc tandem nobis illustrior æuo:
Namq; in hyperboreis hirtisq; Laponibus ingens
Incipit, & longe pluuios descendit in Austros
Schondia, clementis cœli, & telluris amœnæ,
Quæq; diu nouus Orbis, & altera credita tellus.
Hanc latere ex triplici tumidum circumsonat æquor:
Hinc sinus ex Ortu Sueticus: Contrarius illinc
Alluit Oceanus, residet quo maxima Thule:
At Codani australe spargunt freta Balthea littus:
Per mediam immensi tendunt à vertice montes,
Noruegiæ tractum à Suetia Gothiaq; secantes,
Limite inaccessso & longe discrimine vasto,
Surgentem Suetia ad Solem & Sueticū patet æquor,
Ad medium Gathia, incq; sui mare nominis exit,
Noruegia Oceano est Phæboq; exposita cadenti,
At Suetiam supra, septem iam pene Triones
Pellibus insutæ gentes subiere Laponum,
Quippe ferunt illic noctem tris mensibus ynam
Hibernis, toto rutilum quo tempore nunquam
Suspiciunt Solem, dubiæ sed lumina noctis:
Atq; ideo integras Phocarum ad frigora pelles.
Vrforumq; parant, apteq; hærentibus illis
Circundant agiles artus, expressaq; membra:

Nec tamen est artis gens hæc ignara Mineruæ,
Pingere acu tunicas, auroq; intexere vestem:
Exiguumq; illi, at validum & versatile corpus:
Et pugnare pedes norunt, missaq; sagitta,
Propositum longe, aut iaculo contingere signum:
Figunturq; feræ tota regione frequentes:
Non his ortus equus terris, sed bellua currus
Docta subire iugum, & lato decurrere campo,
Mose æquatur equis parili, villoq; videri
Haud asinæ ab similes, crepitat bifida vngula putri
Crebra solo, atq; illi ceruos imitata feruntur
Cornua, non ramosa adeo aut surgentia in auras,
Indocilem presso niti sub pondere dorso
Ad iuga deducunt, curruq; immane voluto
Transmittunt spatium, tanto fera robore præstat,
Quam dixere Rheen, propriumq; idioma Laponæ
Non intellectum, aut alijs commune sequuntur,
Flumina alunt multum Borealiaq; omnia piscem
Æquora, cetarijs condunt, & frigore durant,
Inq; alias vinctis exportant nauibus oras,
Illic assidua est pariter tris mensibus æstas,
Ac sine nocte dies, illic incerta silentur
Oppida, sed tantum castrum memoratur Vuardi.
Quos omnes vltra tandem si credere fas est,
Temperie cœli gens fortunata recedit:
Ardua cui pendens supra caput imminet Arctos,
Semestreniq; diem paribus Sol diuidit vmbri:
Quæ surgente die feruere, cadente reportant.
Hactenus in Boream trans Istri sufficit annem
Porrectam vidisse plagam, nunc altera in Austrum
Porrectam

Ex illo conuersa suis lustrabitur omnis
Cum populis: Primi, quos Istria nutrit, & ingens
Illyricum, qui Pannoniam, camposq; patentes
Concelebrant: sequitur pugnantum cominus armis
Mysoꝝ regio, Thracumq; asperrima tellus.
Præcipue Euxino quæcuncq; extenta profundo
In Boream vergit, neq; enim hæc aut arbore frondet
Frugifera aut segeti pars opportuna serendæ est,
Cætera quæ primo Propontidis æquor ab Ortu
Excipit & rauco prætenditur Helleſponto,
Quæq; Noto obiecta est, & nereio Egæo,
Fœlix, ac nostris regio est ditissima damnis:
Illuc consilijs olim romana sinistris
Migrarunt fata, atq; urbem translata Bizanti
Imperia auxerunt, sic thracia littora casu
Italiæ creuere, nec est qui vindicet, illa,
Illa sinu coniecta tuo sedet optime Cæsar,
Testatur fidem, atq; animos te principe tollit.
At temerata fides, at Gallicus inturbat
Compressus toties aquila superante tumultus.
Ex Thracibus terris Adriæ ad freta longa minacis
Continui montis dorsum perducitur ingens,
Subditur huic longe vergensq; exponitur Austris
Ampla Macedoniæ tellus, latus Adria cuius
Occiduum seruat: sed pars Orientis ab alto
Funditur Egæo: seq; vndiq; commoda victu
Ostentat regio: qua mons celeberrimus Oeta,
Qua celsus memoratur Athos, & Pindus, & Æmus,
Educti cœlo: non hinc procul optima tellus
Thessala: quam Peneus inter deuectus Olympum

M

Persecat, atq; ossæ montem, spatioq; refusus.
It medio, & fluuio humectat viridantia Tempe.
Est & Sperchius delapsus Pelio ab alto,
Strimonis est amnis, gelidis è vallibus Æmi
Præcipitans, tum Dardanios qui flumine montes
Deserit, atq; sinum diuertitur Axius intra
Thermaicum, et glaucis miscetur in æquore nymphis,
Quinquaginta alacri quæ per vada cærule cœtu
Ludunt, atq; vndis frenato pisce vehuntur.
A Pindo Epirus, post Acroceraunia in Austrum
Egrediens, Siculo Hesperium latus æquore tingit:
Thessaliæ Epiroq; australis Achaia tota est,
Quam Salis Ægæi pelagus, Mirthoq; ab Euro
Æquora subcingunt; & q̄ breuis Isthmus ab Austro
Dotatæ regnis disternit Hippodamiæ:
A Zephyris Siculum subeunt Acheloia pontum
Flumina, Chaonias dextra linquentia terras,
Ætolisq; in agris exercent incita cursus:
Parua solo, sed fama ingens, Heliconia Phocis
Accumbit bifidi sub verticibus Parnassi
Thermopilas inter; quarum iuga plurima ab ortu
In Zephyrum ducunt, Graias sindentia terras:
Phocida præcipiti Cephissus flumine transit:
Hinc magis australis regio Bæotia ad Euros
Ægæum subit æquor: & huic contermina Locris:
Attica Bæotis tellus australior oris;
Cithæriorq; Isthmo, primi ad spectacula Solis
Se recipit; qua clara olim terræq; mariq;
Erexere Orbi virtutum lumina Athænæ:
Nunc tantum sacra castrum iacet arce Mineræ:

Eductis alte non accessibile muris.
Inde Corinthiaco Pelopis se pandit ab Isthmo
Insula sub lucem mediam, folioq; videri
Haud Platani absimilis, terras supereminet omneis
Illustres, quascunq; lacus mediumq; Profundum
Ambit, & exterior circumsonat Amphitrite.
Illa mari Ægæo primos pulsatur in Ortus,
In Zephyrum Ionio; nec gentem amplectitur vnam,
Elides, Argolicq; illic, populiq; Lacones,
Messenijsq; sed in medio læta arua iacentis
Archadiæ, è summi cernas speculis Erimanthi.

DE PARTITIONE ORBIS liber tertius.

IAmq; Asiam aggrediar laxis percurrere habenis;
Quam quicunq; valens animis dignoscere amabit
Auulsam in partes, tabulas non segniter Orbem
Perlegat inscriptas, nec nostros ille labores
Auferat ex oculis; at qui componere lectis
Visa sub exemplo, & melius meminisse iuuabit.
Nec te ingratus amor comitum, nec parua manebit
Gratia, diuisas memorantem gentibus oras,
Quæ maria, aërijs quæ flumina montibus orta,
Qui mores, quæ non leuium spectacula rerum:
Tum plausum dabit in te oculos conuersa corona.
Ergo ingens Asiæ primos plaga lucis ad orsus
Porrigitur, galeæ referens insigne comantis:

M ij

Hanc mediam dorso Taurus partitur in ito
Littore ab Eoo, montis qua nomen Imæi
Sustinent, occasumq; petens varièq; vocatus
Carpathium in pelagus Pamphilicæq; æquora tendit
Rupe Chelidonia, & raucis super incubat undis,
Hunc intra est tellus Aquiloni obnoxia, at extra
Sub medium conuersa diem plaga vergit & Austros.
Ille aditus populis hinc atq; extantibus illinc
Angustos aperit, portasq; relinquit vtrinq;
Ter geminas, dorsumq; premens conuallibus hinc.
Tum dextra læuæq; ingentia flumina Tauro
Præcipitant, quorum Scythico pars magna profundo,
Hyrcanoq; mari, pars altera mergitur Indo,
Persarumq; sinu. nam treis Asiæ ora recepat
Hircanum, Arrabicumq; sinus cui Persicus astat
Proximus, ac pariter pluuiali immissus ab Austro.
Caspianus à Borea Scythicoq; illabitur æstu
Angusto irrumpens aditu, qua deniq; pando
Incipit extendi pelago lateq; vagari.

Hic prius à Tauro tractus memorabimus omnes,
Quos immane gelu torpens Aquilonis ab oris
Alluit Oceanus; & quos hircania ab Euro
Æquora, ab Occasu Tanais Mæoticæq; vnda:
Ac quibus Euxini sinus, est australis, & Isthmus
Isthmus ab Euxino dirimens freta Caspia Ponto.
Has terras primi Nomades glacialis ad oras
Oceanii tenuere; vagiq; immensa feruntur
Per loca Sauromatæ, Scythicū genus, efferaq; omneis
Progenies. his ad montes subduntur Aorsi
Caucaseos, mediumq; diem. nam Caucasus Isthmum

Claudit, & Hyrcano pelago Pontosq; propinquat,
Inter vtruncq; iacens: iuxta infedere Paludem
Mæotæq;, & Cimmerij: post Bosphorum Achæi
Cimmerium, Zigijq; viri: tum protinus adsunt
Cercetij, Hiniochiq;, Euxini in littore Ponti:
Ptirophagi, post Hiniochos, Moschiq; sequentes,
Caucaseas rupes, & tacta Ceraunia cœlo
Attingunt, tum Caucaiseis de montibus Austrum
Aduersus, gentes posuere cubilia Iberæ,
Albanæq;, suum nuper genus vnde tulere
Quicq; Macedoniam, Pelopis quicq; arua frequentant
Albani populi, atq; Albania nomine regna.
Colchis in extremo Ponti summota recessu est,
Colchida Cappadoces subeunt australia Tauri
Ad iuga surgentes. Asianam hanc deniq; Turcæ
Sarmatiam referunt patriam, qui prodita contra
Cæsaris imperia, & Superum præcepta vocati,
Europæ atq; Asiæ, sic Dii voluere, rebelli
Imposuere iugum, domitæ nec tertia terræ
Pars reliqua est. Illic autem Rha maximus amnis
Plurima in Hircanum pelagus vaga flumina ducit.
Mæotim Antacites alia de parte paludem,
Lagousq; petunt. At nunc quæ Caspia circum
Littora versentur, facili dicam ordine gentes,
Quæq; tenent saltus Hyrcano à gurgite in Ortum
Expositos, Tauriq; latus boreale sequentes
Immanes saltus, Boreæ quos partibus vnda
Alluit Oceani, conuersaq; littora fines.
Stringit in Eoos, vbi sub iuga montis Imæi
Versa in acumen abit regio, iamq; ostia primum

Hircani ingredior pelagi, strictosq; meatus,
Oceanum linquens, Nomades qua litore læuo
Primi ostenduntur, Scythicæ quæ maxima gentis
Pars, aditum maris Hircani iacet inter & Ortus
Æstiuos, campis errans, & littora circum
Oceani, primi q; Dahæ sunt nomine dicti,
Exin Massagetæ q; Sacæ q;, ex ordine contra
Vulturū subeunt: atq; his plaga maxima ab Austro
Omnibus, ac deserta siti prætenditur ora:
Quo medio arcentur tractus discrimine Parthi:
Inq; Notos obiecta Dahis Hircania contra est:
Massagetis Parthi, aduersiq; Sacis Ariani:
Ast opibus pollens varijs Hircania vergit
Hircanum supra mare: qua lunariæ arcus
Incipit in geminos, longè lateq; refusum
Vsq; sub Armenos montes, rupesq; reductas
Medorum: extremis quorum in radicibus adsunt
Albani Armeni, Doculiniq;, Gelæq;,
Anaricæ, Quitiq;, Euros q; aduersus Amarbi:
Vltèrius Tauri in partes Aquilonibus altis
Obiectas, Parthi pharetra accessere decori
Quos vltra Magdianæ iacet inclyta tellus,
Cincta iugis, tractuq; vnam se vitibus illo
Pampineis iactans, & aprici palmite Bacchi.
Vltra autem Subsolani spirantis ab aura
Succedunt Arii, Bactriq;, vbi nobile mille
Vrbibus Imperium: dehinc vltima Sogdiani,
Dehinc Seres, solaterrarum Oceanumq; tenentes,
Post montem immanis producta brachia Tauri
In Boream, latè Scythicum sindentia tractum.

Has terras atq; hæc Scythiæ sæuissima regna
Gens illic obscura solo, atq; ignobilis olim
Obtinet, & populos late dominatur in omnes;
Cui patrij fines gelidi prope flumina Tartar,
Flumina in Oceanum labentia Solis ad ortum
Æstiu: sed iam scelici Marte subactam
Per Scythiam insultans sumptis equitatur in armis,
Sæpe etiam Tauri montem, Tanaisue fluentum,
Imperijs fines facto progressa tumultu,
Aut Persas adit, aut Rutenos atterit agros,
Atq; illis regni sedes Orientis in ora
Littorea, & Cambal Cathaini vrbs maxima regni.
Tarsia ad occasum regio est, quam plana sequuntur
Turquestæ sola telluris pastoribus aptæ,
Hanc super, in Boream regnum & præclara Corasmæ
Mœnia, ad Hyrcanum fines præfertilis agri
Protendunt, supra deserta Cumania tractu
Lata patet vasto, sine colle, sine arbore tellus,
Cassia cui rursus gelidam super extat in Arcton
Exposita Oceano & sæuis Aquilonibus ora.
Talia ab Hyrcano pelago nunc indita terris
Nomina, in Auroram, quod protinus yndiq; septum
Præruptis memorant circumpositisq; teneri
Littoribus, sed multa lacu congesta profundo
Flumina, sub terris aditu prodire latenti.
Præterea Hyrcano ductos à gurgite campos
Ad Tanaim, & multo viridantia gramine terræ
Æquora, ab Eoo surgentibus occupat armis
Tartarus, & veteres exegit cæde colonos,
Atq; hic Tartarei cœtus celebrantur & Hordæ

Quattuor, hoc populi conuentus nomine dicunt :
Olli contectis agitant in curribus æuum
Instabiles, multumq; nouis inducere terris
Cura gregem, & capto pro tempore tendere campo.

Ordiam hinc Asiæ terras monstrare patenteis
Qui teneant extra Taurum foelicia regna :
India prima nouos terrarum maxima Soles
Excipit, inq; Notos longe patet, Insulaq; illic
Vltima Taprobane cui aduersa Britannia certat
Productos longe lateq; extendere fines :
Ergo Caucaſeæ rupes, iugaq; ardua Tauri
A Borea impendent Indis, ex fontibus Indi
Vsq; sub Auroræ finem ; subiectaq; tellus
Planiciem in magnam decurrit, & æquora supra
Eoi Oceani, & quæ feruidus incoquit Auster :
Indus Caucaſeis amnis reuolutus ab antris
Indiam ab Occasu claudit, quam lapsus Imaui
Verticibus montis longo velut æquore tendit
Per mediam Ganges; omneis qui maximus amnes
Terrarum superat, gremio tot vasta resorbet
Flumina, totq; mari similis perlabitur oras.
Floridus hic populis tractus varijsq; refertus
Ad vitam cultumq; opibus, maioraq; gignit
Omnia, sed sterilis tantum defertaq; tellus
In Boream est, vastis Tauri sub rupibus, illic
Gens non vna feros exercet barbara mores.

Post ubi se Oceano condentia videris Indi
Flumina, in Occasum pergens, tibi littore primo
Gedrosi occurrent populi : quis deinde relictis
Carmanos multo vefcentes pisce videbis,

Et testudineis

Et testudineis sulcantes æquora conchis:
Parthia Carmanis boreali impendet ab Axe:
Vnde abit Oceanum sterilis Carmania in Indum,
Oppositosq; Arabas contra procurrit, vbi arcto
Persicus expatians late sinus influit ore.
Inde sinu iuncti Carmanicæq; arua sequentes
Sunt pharetris Persæ impigri, & qui mœnia Susæ
Qui Babylonis habent, Chaldæaq; rura frequentant.
Media foelicem cultu stat Persida supra
Caucaſeis distincta iugis. at Susa Fauoni
Excipiunt auras, qua Tygridis addita ripis,
A Borea incumbens Suis foelicibus arui
Assyria est, maiorq; sedens super imminet illi
Armenia, herbosis pecori conuallibus apta,
Assyrijs Medi, Medis ad lumina Parthi
Assistunt Phœbi primo radiantis ab ortu,
Quin etiam Assyriæ regio trans flumina Tygris
Panditur, atq; illi tellus ascribitur omnis
Quæ media Euphrati fluuio, Tygricq; tenetur,
Namq; ferunt Tygrim Armenis de montibus ortum
Principio manare, cauæq; voragine condi,
Ac subter lapsum Tauro hunc emergere rursus,
Inq; Austros ferri cursu per saxa citato,
Perq; tuos Arethissa lacus: vbi pondera mergi
Apta alibi summa videas fluitantia in vnda:
Ille diu terris fugiens Euphratis in alueum
Abditur, hospitij vitreis admissus, & ambo
In mare Persarum iuncto simul amne feruntur.
Nec minus Armenis Euphrates ortus ab oris
In Zephyrum vertit, rursusq; inuertit in Eurum,

Et tractum ingentem fœcundaq; circuit arua.
Iam Syriæ fines iam lacte & melle fluentis
Ingredior campi tractus: quos maximus Autor
Omnibus exorti terris præfecit honore,
Ornauitq; locos humanæ vbi semina gentis.
Prima Pater iaceret, postquàm pulcherrima Mundi
Excreuit moles, perfectaq; machina quinta
Luce fuit, fructusq; suos inarata dedere
Arua Dei iussu, nec qui potirentur haberent:
Hic Damascenis hominem sub imagine vultus
Ipse sui finxit, limumq; animauit in agris
Omnipotens: hic & nostræ firmata salutis:
Fundamenta pius posuit, quum lapsus Olympo
Sancta Deus Syrijs pressit vestigia terris:
Fœlices Syriæ tractus, terræq; beatæ:
Vnde genus mortale, sacro ceu fonte per orbem
Fluxerit, unde Fides, & Spes interrita gentis
Christicolæ manarit: ibi imis addita claustra,
Ac reſerata patent ſupremi limina cœli.
Atq; ea non vnam tellus latiffima gentem:
Accipit, in plures ſed enim diducitur oras
Inſignes omneis: quarum celeberrima ſurgit
Fama Paleſtinæ ſubiecta ad ſidera terræ:
Huius Idumæa eſt cedens pars vltima in Auſtrum.
Petrae Arrabiæ duris contermina terris,
Æquoraq; in zephyrum tangens Ægyptia: at illam
A' Borea atq; Euro iuxta Iudæa recumbit,
Vna Paleſtino ſedes clariffima tractu,
Et circum terræ medium ſortita patentis.
Iudæam a Zephyro noſtri maris excipit æquor:

Quæ petit hinc ortus, subit ac montana Petreæ
Arrabiæ, trans Iordanis progressa fluentum,
Asphaltumq; lacum; supra cultissima tellus
Samarisë, in Boream Iudæis assidet oris:
Samarisë Galilæa latus custodit in Eurum
Et Boream vergens; Galilæa rursus ab ortu
Stat Cœlesyria, & Libani iuga prodita ab Arcto
Impendent gemini, cuius de fontibus ortus
Iordanis fluit, & Galilæa illabitur arui
Per medium, diriq; lacus immittitur alueo
Asphaltis, demum vitiatas degener vndis.
Ad Libanum & fontem iuxta Iordanis amœni est
Damascenus ager, Damasci mœniâq; vrbs.
Inde sub occasum Galilæa è margine terræ
Tota iacet prætenta mari Phœnicia nostro:
Antiochæna super iacet vrbs, regioq; recedens
In Boream, Casiusq; alto mons vertice surgens
Emicat ante diem, & suprema cacumina candent,
Vnde nouum iubar aspicias, noctemq; profundam
Versus in occasum, & densis sola cæca tenebris:
Sicq; breui circum reuolutis corporis actu
Apparent vmbrae, & rutilæ spectacula lucis.
Non tamen hic omnes Syriæ monstrabimus oras,
Quam mons Amanus Cilicis abiungit ab agris
In Boream surgens. Ast ordine Chersonesum
Dissere Musa mihi, atq; Asiam memorare minorem
Incipe; quæ Pontum boreali aspectat ab Arcto
Plurima, ab occasu Propontide & Helle ponto
Ægæoq; mari excipitur, Cretæq; profundo:
Hinc vertens australe latus Pamphylia pulsant

Æquoraq; & Cilici iuxta vada cæcula Nerei:
Parte alia Armenis Syriacq; adiungitur oris:
Partitumq; capit varijs regionibus agrum:
Nam Syriam linquens portasq; ingressus Amani
Inuenias Cilicum campos: quos vertice ab alto
Taurus, & hinc illinc geminis ceu continet vlnis
Porrectisq; iugis: ingens iacet æquor ab Austro:
Multaq; littoribus resident super oppida: quorum
Issus clara sinu longo sedet, Issicaq; illinc
Æquora nomen habent, fluuium admittentia Cydni:
Qui gelidis Tarsum manans interfecat vndis,
Vrbem olim casu lapsi æthere Bellorophontis,
Nunc ortu insignem rapti super æthera Pauli.
Ad Boream Cilicum portas montanaq; supra,
Cappadocesq; minorq; patens Armenia surgit:
Cappadocum memoratur Halys: celeberrimus amnis.
Thermodoon, claro sparfos vbi puluere vultus
Colla q; bellatrix in flumine lauit Amazon.
In zephyrum Cilicis hæret Pamphylia terris:
Illic Eurimedon, necnon Cataractes, & Oestrus,
In mare præcipitant, Tauroq; feruntur ab alto.
Is phrygiam latere aduerso Borealibus auris
Inspicit abiungens, habitasq; Lycaone terras:
Post Phrygiam, & Galatas, Asiæ borealis in ora
Paphlagonum tellus Euxini ad littora Ponti
Panditur, & fluuiio laterali in parte sub Euris
Finit Haly: verum in zephyros subcingitur amne
Parthenio, cui floret ager vicinus, & aptas
Virginibus ripa lætus viridante coronas
Sufficit, impubesq; rosas adserta ministrat.

In zephyrum, post Paphlagonas Galatasq; sequuntur
Bithini populi: quorum ditissima tellus
Euxino à Borea longè subiecta profundo
A' zephyris Propontida habet: qua condita in ora
Calchedon vrbs, urbem contra & Bysantia regna:
Illic Sangarij Phrygijseducta fluenta
Montibus, in pandas vertunt Propontidis vndas.
Myſia Bithinis iuncta eſt australior oris:
At Phrygiæ tellus, qua Sangaris editur amnis,
Longius ingrediens expandiur altera in ortum,
Altera ab occiduo ſubcingitur Hellesponto:
Ambæ aruo inſignes, & æquis velocibus ambæ.
Æolis aſſiſtit Myſis, ac Troas in Auſtrum
Finitimæ, aduerſæ Tenedo, maris æquora iuxta
Hellespontiaci: crebris quæ fontibus Idæ
Mons ſcatet, & grauibus ſuaueſcunt Gargara culmis.
Iaſius inde ſinus, curuataq; littora longo
Ioniam tractu exceptant à Troadè in Auſtrum
Expoſitam, atq; vrbes Mileti Ephēſiq; tenentem
Egregiè claras: illic reuolutus amœnis
Vorticibus raucos audit Mæander olores.
Æolas, Ioniosq; vltra, proſertur in ortum
Mæonia, extenſi cliuis ſubiecta Timoli.
Mæoniæ fuluis quondam Pactolus arenis
Redditur, atq; Hermus vicinaq; prata Cayſtro
Aſia: qua niuei lætis veſcuntur in herbis,
Et cantu reſonant ripas & flumina Cygni.
Ioniam, Lyciamq; inter iacet angulus Iſthmi
In zephyrum Ægæo, Rhodio pulſatus in Auſtrum
Æquore: quam Cariam veteres dixere coloni

Plurima complexam Tauri iuga euntia in altum,
Et Lytiæ adiunctam terris, qua cernitur ingens
Pulsaturq; Cragi ventis ac turbine vertex.
Finit ab Eoo Lyciam Pamphilica tellus,
Frondebis atq; umbris nemorum insignita comantū.
Quas inter medio tendens ceu limite Taurus
Vertitur, & curuo prorumpit in æquora dorso.

His Asiæ dictis dimensi & partibus Isthmi
Arrabiæ omisso repetamus carmine fines
Desertæq; & Petrææ, & quæ plurima foelix
Dicitur, ex illis diducta ambabus in ortus
Brumales, ceu missa mari peninsula rubro.
Occiduo Arrabicus lateri sinus hæret, Eoo
Persicus, atq; huius imò deserta recessu
Adiacet, & vastis spargens habet oppida arenis,
Illic & Nomades, & gens exercita prædæ,
Ac longè in solis visenda est Palmira terris,
Vrbs tenues inter riuis vberima harenas,
Et medium sortita soli prædiuitis agrum.
Arrabiam in zephyrum lapsosq; ex æthere Soles
Desertam, Petræa subit, prolataq; finem
Mittit Erithræi iuxta maris æquor, & Isthmum
Isthmum quo medio ponti maria intima rubri
Arcentur pelago & nostris immittier vndis,
Quoc; Asiæ ac reliquo pars tertia iungitur Orbi.
Vrbs hic Petra suæ quodam clarissima gentis
Regia, quam vastæ circumstant vndiq; rupes
Sarracus hic locus, vnde pedes gens dira nefandos
Extulit, arreptum bello Saracena per orbem
Constravitq; solum telis, sparsitq; veneno

Maumetem sortita ducem, causamq; malorum
Tantorum, quo non Stygijs emissa tenebris
Tetrior Eoas vrbes inuasit Erynnis,
Et nunc ille Deum ritu veneratur, at vrbe
Insigni Mecha aut Medina tumultus, in antris
Vritur infernis, sed quondam obscura Petrae
Arrabiae tellus, alio iam nomine claret,
Nam Regio hic Madian, montisq; cacumina Synae,
Vnde datae geminis populo inspectante tabellis
Descriptae leges, summaq; apparuit arce
Ipse viro Pater omnipotens, faciemq; rexit.
Qualem sidereo magni admirantur Olympo
Coelicolae, atq; illo stantes in lumine gaudent,
Arrabiae populi Nabathaei regna Petrae
Magna tenent, his Caluasij, seq; Agrees addunt
Finitimi; Desertam autem pariterq; Petraam
Australi sub fine tenent iuga plurima montis
Inter vtrumq; sinum medij, quo limite in ortum
Sideris hyberni foelix descendit opimae
Arrabiae regio, mirae quam maximus orbis
Conditor excoluit, luxuq; opibusq; beauit
Ille dedit Myrrhae lachrymam, nemus illa sacrauit
Thuriferum, & terris calami diffudit odorem.
Arrabicus, Casiamq; Deo plaga praeside gessit.
Non alio melius auri sub Sole metallum
Gignitur, hic lectis nec abest sua gratia gemmis,
Sunt montes, riuus sunt laeta rigantibus arua,
Sunt populi, quorum diti potiora Sabaei
Arua solo exercent, solis immanis Erembis
Pauperies, soli montes salebrosaq; saxa.

Circumeunt, nudiq; ferarum more vagantur,
Vltimus Arrabię in zephyrum mons Cassius Isthmū
Continet, interni medius, Rubriq; Profundi;
Inde sub Ægyptum strata iacet ater arena
Campus, & insectę subeunt volitante lacunę
Pulvere, qua temere gradientum illapsa repente
Corpora merguntur, fundoq; vorantur hianti:
Hac Arabes terras necnon maris altera Rubri
Littora, in Occasum brumalem extantia seruant,
Arsinoemq; urbem, Danaonq; in littore portum,
Vnde ausos fossam Nili perducere in alueum,
Infœcunda tribus deterruit altior vlnis
Æquoris vnda solo: mox vrbs Berenicis in ora,
Vnde iter ad Coptum, pelago manet addita Rubro.
Protinus haud alio sequitur gens barbara tractu
Veloces Troglodytę, & quibus inter opimas
Plurimus est populis serpens querentibus escas,
Candęi interius stantes. at littore in ipso
Altera Panchrysos Berenicę vrbs nomine fertur,
Tertium reliqua est, Rubrique faucibus instat
Æquoris: hinc longo vertuntur littora ductu
Ad Drepanum, & Moselitę capita aspera rupis,
Troglodytę habitant & barbara nomina gentes.

De partitione Orbis liber quartus.

Tertia pars superest dicendis Africa terris
Integra, & in speciem mensæ prolata, nec villo
Intersecta sinu; cuius Borealis ab alto
Alluitur nostro, pelagocq; extenditur ora,
Recta sinus præter paruos, Syrtesq; vadofas.
Atq; alius primo Nilum designat ab Ortu;
Alter Erythreum statuit mare. Rursus ad Austrum
Africa progrediens Capricornū in acumine transit,
Oppositumq; Arcto tantum subit angulus astrum,
Abscedunt Adriæ quantum maris æquora Cancro.
Ast inter Tropicos cælo substrata calenti
Plurima iactata sterilis spatatur arena.
Hesperium ad finem Libyæ se maximus Athlas
Erigit, oblitusq; sui mox nominis, Ortum
Hinc petit, & longo profert iuga maxima versu:
Ac nunc in Boream, nunc & sinuatus in Austrum
Innumeros spargit populos, & diuidit oras;
Donec Erythræum tandem contendat in æquor:
Floridus in Boream, torrenti squallet ab Austro:
Insperso niuib; trans nubila vertice surgit:
Atq; ea quæ Boreæ medio propiora Profundo
Dat latera, & victu faciles iuuat ire per oras.
Occiduo prætenta mari Maurusia tellus
Incipit Hesperio qua se Ambelusia rupes
Immittit pelago, borealisq; angulus oræ:
Hinc subit Aurorā, ac Mulucham prope desinit amnē:
Alluitur vero in Boream, maris æquore Iberi,
Herculecq; freto, nunc Mauritania partes

Scinditur in geminas : quarum quæ vergit in æquor
Athlantis, Tingitata data nomina terræ,
Vitibus hesperidumq; hortis memorabilis aureis :
Hæc maris Oceani longe sinuata secundum
Littora deueniens, Cancri sub fine propinquit
Solstitio, & mirum Athlantis subit intima montem :
Getulæ, Autololumq; tenent spatia vltima gentes :
Ast Eurum contra, montes habet edita tellus
Perpetuos, longo in Boream qui deniq; ductu
Contendunt Abylam iuxta, Calpemq; columnas
Herculeas, septem fratres ex ordine dicti.
Altera pars Libyco, à Borea subiecta profundo est
Cæsariensis, habetq; autore à Cæsare nomen :
Atq; illam viridante solo, atq; vligine glebæ
Fœlicem, ex Ortu Numidis discriminat agris.
Amphaga, in internum pelagus delapsus ab Austro.
Hinc Numidæ incertas sedes ad flumina Tuscæ
More tenent Nomadum, campoq; vagantur aperto:
Nulla domus, natos vectant paruosq; penates,
Et mutata gregem balantum in pascua ducunt:
Veloces pascuntur equi : tegit aspera passim.
Sylua feras, grandesq; cauis stant rupibus vrli :
Et Numidum venis marmor plaga nobile monstrat.
Massyli excipiunt terras australibus oris.

Insequitur Numidis hærens minor Aphrica Tusce
Ab fluuiio, & capitis porrecta Metagonis angulo,
Ad Borion, Syrtis magnæ quod in æquora prodit.
Vltius caput, & finem subit vsq; Cyrenes :
Fronte gerit medium pelagus, tresq; Aphra receptat.
Terra sinus, pariterq; tribus procurrat in altum.

Verticibus, saxo qua fracta subalbicat vnda:
Ac prior Hipponis Rubricatum suscipit amnem
Hospitio sinus: assistit cui deinde secundus
Pulchrior, & Bagradæ admissio memorabilis amne,
Visendaq; vticæ & strata Carthaginis ora:
Hic infusa palus pelago, quæ mœnia Tynis
Intima habet, summisq; Goletæ in faucibus arcem:
Qua Tyrj iam nunc patriæq; & rege recæpto
Debita sacratæ reddunt solennia templis,
Erectumq; tibi Cæsar posuere Trophæum.
At Libyphænicos spatia hinc à littore gentes
Interiora tenent, longeq; vberima quorum
Bizazanus ager centeno fœnore diues
Alluitur Bagrada Athlantis de vertice lapso.
Tertius hinc Libyæ sinus est: qui protinus ingens
Scinditur in geminas Syrtes, vnamq; minorem.
Maioremq; aliam refluxo vada feruida fluctu,
At Libycis fines regnis vrbicq; Cyrenes
Incertos olim fratres statuere Phileni
Maiorem supra Syrtim: qua prodita late
Vasta iacet campi facies, ac nulla viarum
Semita, ventus vbi tenues dimouit arenas
Crebrior, & sparso vestigia puluere textit:
Astra viam signant cœlo spectata sereno.
Nec præcul hinc Tritone palus Tritonia ab amne
Quem recipit, paruaq; emittit in æquora Syrtis:
Et Cynips fluuius, longo qui maxima tractu
Per deserta fluens Syrtes illabitur inter
Cynipheamq; oram, fœcundumq; irrigat agrum.
Ergo Austrum contra penetrat minor Aphrica longe

Vastior, Athlantisq; in eam inclinantia montis
Trans iuga progreditur: donec Getulia tergo
Immineat, fluuium attingens Getulia Nigrim,
Vasta, immensa, ferax ingentum terra leonum.
Hic alios, quibus haud vllum est insigne iubarum,
Sæua creat pardis vtero congressa læna,
Quñ furit in Venerem, & dirus mouet arma Cupido:
At sæuas aliq; proles generosa leonum
Attollunt iras animis, longeq; fluentes
Excussisse iubas gaudent, per grandia colla
Impauidi: non his hostes, non vulnera curæ:
Sunt quibus haud tantum paruo stat corpore robur:
Crispantesq; iubæ, & graciles de pectore villi
Attenuant molles animis leuioribus iras.
Plurimus assiduo Syriæ labefacta calore
Arua colit, Libyæq; leo deserta peragrat:
Est etiam Nessi ripas Acheloiæq; inter
Flumina, magnanimum regio haud ignara leonum:
Quinq; recens primo partu fœcunda læna
Dat capita, hinc alios minuens ex ordine fœtus
Singula deperdit, quinto vt sterile scat ab anno:
Nascuntur vero informes sine nomine massæ
Haud catuli in faciem carnis, primoq; moueri
Indociles ortu: sexto quum deniq; mense
Vix etiam pressis tollunt se in corpora plantis:
At magis ardenti simul incaluere iuuenta,
Venatu nemora exercent, montesq; per altos
Omnigenum formas agitant, & monstra ferarum,
Lyncasq; horribilesq; lupos, Sphyngasq; fugaces:
Alternis igitur sumunt alimenta diebus:

Aut saturi in quartam ducunt ieiunia lucem :
Sæpe inuenta famem rabidi solata iuuenca est,
Dum viridi in campo teneras depascitur herbas,
Auxiliumq; fuga trepidus quæsiuit arator,
Ille rugit, furit ille animis, atq; ore crepanti,
Vngue ferox, sternit nemora & virgulta refringit.
Tum magis atq; magis, quando fera praelia cordi,
Æstuat; hic multa demens se concitat ira :
Hic lateri & versa tergo dat verbera cauda :
Ac rapido instantem cursu defertur in hostem.
Verum vbi iam vires minuit longæua senectus,
Eluduntq; feræ cursu falluntq; sequentem,
Tristior hinc morsus humana in corpora vertit
Sanguine rorantes, hinc altas circuit vrbes,
Terribilemq; viris infert se ad strata viarum,
Deprensosq; rapit lacerans, frangitq; fremitq;.
Ne mihi tum Libyæ vacuis contingat in aruis
Errare, & tali venientem occurrere monstro.
Nec tamen ille omneis irarum exuscitat ignes
Fœmineo generi; nec humi deiecta retractat
Corpora contemnens, & adhuc quos turgida lactant
Vbera, in vacuam penitus trahat improbus aluum.
Creditur & miseris animos lenire querelis,
Mulceri alloquijs, & vinci posse precando:
Quæ quum summa feris animorum gloria surgat,
Cristatas horrent volucres, strepitus rotarum,
Et visæ mira quatiunt formidine flammæ :
Illud & ardentum minuit decora alta leonum,
In caput obiectu quoniam velaminis illæ
Compressæ resident iræ stupefactaq; corda.

Hac spectata tenuis fului natura leonis
Iam sequor, inq̃ alias hinc me rapit impetus oras.
Pentapolis vasto Cretæ subiecta profundo
Terra, Philenorum ad tumulos Marcotide ab vnda
Sat medio; atq̃ olli Catabathmos vallis ab ortu est.
Quinq̃ sedent illic vrbes ex ordine rectis
Littoribus; maior, rerumq̃ potita Cyrenæ est.
Haud procul à pelago; frondet namq̃ arbore littus
Exigua, populisq̃ frequens & gramine campus,
At paulò interior regio negat alpera frondem,
Et fontes pecori atq̃ herbas præbere recentes.
At veluti vndoso sparſæ ſtant æquore terræ,
Sic aliqua è vastis emergunt Inſulæ arenis,
Fœcundæq̃ ſolo & riuus manantibus oræ.
Intima Syrtis habent Naſamones littora magnæ,
Illis qui sæpe vadis deprendere ſueti,
Et ſpoliare rates, gentis ſubiére triumphos
Romulæ, & iuſtas penderunt ſanguine pœnas.
Hinc procul interius longa in deſerta recedunt
Palmiferi Augylæ: quorum porrecta per agros
Ducit in Ægyptum Mauris via trita profectis.
Hic etiam in medijs Pſylli monſtrantur arenis
Sub Licomede lacu: quorum exitialia quondam
Vipereo generi fuerint, & tuta venenis
Corpora. at innuptos longè Garamantas in Auſtrum
Arcetab Augylis regio, & deſerta dierum
Biſſenum ſpatia: hinc vaſti ſola prodita campi
Vſq̃ ſub Ægypti finem; quo tramite lato
Circumfuſa vagis tellus Aminonis arenis
Incolitur: tecta exciſo ſale condita ſurgunt

Quæ subit Ægyptum regio Marcotis habetur
Marmaridis, illicq; lacus de nomine dicta est.

Nunc age Niliacos fines, quibus ortus ab oris
In mare procurrat fluuius, quæ temperet arua,
Accipe, & Æthiopas medio sub Sole calentes
Æthiopas, inter Tropicos surgentia Ponto
Sidera qui inspectant, & qui subeuntia Pontum
Pharusiq; & Gymnetes, imisq; Perorfi
Subiecti Mauris, & qui memorantur ab amne
Nigritæ, Æthiopas terris qua diuidit Aphris:
Stant & Agriophagi, & rictu quibus ora canino:
Omnibus his deserta solo fabulosaq; tellus
Adiacet auroram contra, & Garamantas ad Ortum
Distinet oppositos, & stridentes Troglodytas:
Qua variæ gentis species, & monstra feruntur,
Ægipanes, Satyri, quorumq; in pectore vultus
Blemmij, Himantopodes, necnō insomnij Athlantes,
Quiq; oculis (si fama fidem non vana secuta est)
Quattuor insignes australi in litoris ora:
Verum ideo præstare oculis & lumine quarto.
Credita gens, quia perspecto certissima signo
Tela procul iacit, & contento destinat arcu.
Atq; omnis primum quæ non expressa parentem
Forma refert Adam, porro genus esse ferarum
Cæsetur, numeroq; hominū atq; ex ordine dempta est.
Æthiopum claros efflans mons arduus ignes.
Imminet australi pelago: regioq; Agisimbæ
Exuperat finem Capricorni, & cuspide terræ
Exit in Antarcton, ac spe bonæ ab omine dictas.
Desinit ad cautes: longos qua flectere cursus

Sciret Erythræum penetrans Lusitanus in æquor,
Et cinnamiferos audax accederet Indos.
Æthiopum terræ extremi primicq; Agisimbæ
Assurgunt lunæ montes: vnde orta fluenta
Præcipitant, factocq; lacu se plurima condunt
Stagnantis Nili in montis radicibus imis:
Tum subeunt terras, ac mox enata resurgunt
E tenebris, atrocq; insurgere visus ab orco
Astapus in Boream medijs luctatur arenis:
Interea largo deprensas flumine terras
Accipit, innumeras & circumuoluitur oras,
Diuidit ac sese ad Meroem, diductaq; pandit
Brachia & acceptam geminis complectitur vlnis,
Illa gerens populos, clypeicq; imitata figuram,
Est auri argentiq; opifex, dat oromata tellus,
Fert Ebum, nec nulla cauis æra eruit antris,
Illa caput regni Æthiopum moderatur habenas,
Liuentesq; domat populos, hisq; imminet anno
Cinthius, atq; illi supra caput arduus astat,
Nec minus est illic campus viridantibus herbis
Lætior, & syluis saltus umbrantur opaci,
Hinc alias circum terras inflectitur, ac se
Diuidit, atq; in se rursus redit amnis in vnum:
Qua fluuium longa reuolutum ambage viarum
Æquoreq; errantem lato vocat accola Sirim:
Nec prius est Nilus, quam tota ingentia iungat
Vallibus, atq; inter montes liquida agmina condant.
Hic vero infractæ scopulis spumantibus vndæ
Præcipitant, crebrisq; ruunt strepitantia saxis
Flumina, & attonitas ingens fragor opprimit aures:

Donec

Donec in Ægypti fines deiectus ab alta
Rupe Catarrhactę dorso procumbat, at inde
Impete sedato cursus infrenat aquarum :
Ac veluti fesso spatijs Elephantina sese
Exhibet, ille sinu mediam deprendit, & vndis
Continet, ac iuxta linquens ad dextra Syenem
Littora, suppositam Cancro præterfluit urbem,
Thebeumq; petis longe placido æquore campum :
Qua centum steterant quondam clarissima portis
Mœnia, & immiti structę Busiride moles :
Nunc vrbs parua quidem manet, at ditissima Thebe :
Hic fossa ad Coptū penetrās; dehinc Memnonis olim
Regia : tum fluuium exceptans Canis Insula longe
Deuēctum sequitur : cui protinus Herculis instat.
Hactenus inculsi mediam Thebaida montes
Pertingunt, regio hinc putri planissima campo
Incipit Ægypti, fluuij qua littore dextro
Sunt Cahiræ, & Babylis veterem superantia Thebē
Mœnia, tam late vicos complexa patentes :
Traianus Babylim mediam interlabitur amnis
Niliacas Arabum terris emissus in vndas :
Opposito in zephyrum Nili manet inclyta Memphis
Littore, surgentes flammæ imitata figura
Pyramidum, & moles cœlo mirata minanteis.
Extremo sub fine auras spirantia nullas
Flumina labentis Nili in diuersa recedunt,
Fœliciq; solum ditant vndantia limo :
Tempore quo terras sindit Canis ardor hiantes,
Liquatq; cadunt canis de montibus amnes :
Atq; ita septeno sparguntur in æquora fluctu.

Iamq; adeo nostri partes tranſegimus Orbis
Tergeminas, ſummasq; pròcul cognouimus oras :
Apparent aliæ diuerſa in parte minores
Oceani extantes liquido de marmore terræ :
Namq; petens Indos poſtquam Luſitana triremis.
Soluſit Vlyſbona, & gelidis data lintea Cauris :
Principio portum Sanctum ſubit. Inſula contra
Quæ iacet Athlantem, & lectiſſima mella miniſtrat.
Hinc adit & cannæ ſœlicem melle Mederam :
Et fortunatas ſeptem longo ordine terras,
Egregiasq; omnes : ſed quarum vertice montis
Conſpicio cunctis Teneriffe excelsior ardet,
Atq; alijs fecit non parua Canaria nomen.
Mox inuecta ſinum Dargin petit ærea puppis,
Inſula littoribus reſidet qua proxima Dargin,
Parua quidem, at feſſas quæ munitiſſima naues
Inſtaurat. caput hinc Album quod in æquora prodiſt.
Cernitur; inde ſinum Senegæ de flumine dictum
Inuadit, ſuperatq; virens caput vncta carina,
Æthiopum ſyluis ſemper frondentibus illo
Littorè conſpectis : contra iacet Inſula Viſus
Dicta boni, pluresq; aliæ pariterq; virentes.
At fluuius Senegæ mutato nomine Nigrum
Quem perhibent, ſpatia albens vaſtiſſima campi
Æthiopum primis dirimit viridantibus oris :
Vlterius regnum ac fluuij procul oſtia; Gambræ,
Et caput apparet Sagres, tum viſa ſequuntur
Fluminaq; & cautes rubrum traxiſſe colorem,
Gorgones Heſperigq; illinc ſtant Inſulæ in alto,
Heſperio Cerati aduerſe, quo deinde relicto.

Curuantur maria, & fluuij mox ostia Palmæ,
Et Melli regnum, sinuataq; littora cernas,
Vsq; bonæ accedens Spei caput: vnde reuerti
Sub medios Soles, cursumq; inflectere sensim
Incipiunt læti nautæ, Præsumq; relinquunt
Instantem pelago montem: tum regna Melindæ,
Et Troglodytas, obuersaq; littora ad Ortum,
Barbaricumq; sinum linquunt, atq; æquora Rubri
Transmittunt pelagi: contra Calicutia tellus
Excipit, huc cursu tandem defecta carina
Intrat odoratæ portus emporia terræ.
Spei aduersa bonæ capiti Laurentia constat
Insula: littoribus subiecta Achiloe Melindæ est,
Zapharaq; immensis auri celebrata metallis:
Andradida Arrabiam contra iacet: Organa Persas:
Taprobane medijs residens australior Indis
Obijcitur, stagnum gremio quæ maxima Lebim
Continet, vnde procul gemini in diuersa fluentis
Erumpunt amnes, subiectaq; in arua feruntur.
Interius medio in cursu stat Solis ad Indos
Insula, Nympharum viridi quæ in marmore sedes
Omnia vitales spirantia conficit auras.
Quin etiam Indorum de litore Chersonesus
Aurea Gangetico ac Magno velut insula prodit
Intersecta sinu: Malachæ qua Maximus Infans
Mœnibus exacto victricia signa tyranno
Imposuit, ritusq; sacros, atq; addidit arcem,
Hinc aliæ australi & pelago sunt Insulæ Eoo
Exiguæ, ac magnæ, atq; habitæ mortalibus, & quæ
Gente vacant: quarum numerumq; & nomina fari

Difficile est, notasq; magis percurrere præstat,
Gentibus informem Anganiam, ditesq; zaphiris
Celamq;, Saylamq;, & purpureis Amethyſtis,
Sandalicis Necuram ſyluis, Iauamq; minorem,
Maioremq;, ambas piperi ſpicæq; feraces :
Hic Garyophylli Monochan, lectiſſima ditat
Camphora Bornæam, celebrata Miriſtica Bandæ eſt:
Quid memorem Scoyram ? quid quæ borealior extat
Inſula Zipangri, rubræ ditiffima tellus
Margaridis ? lucet regalibus aurea tectis
Lamina, & immiſſo largè prætenditur imbri.

At non tam crebræ memorantur in equore terre
Arctoi Oceani, qua Rex dare iura Britannus.
Angliæ, Vualig, Cornualiæ, Scotiæq;
Dicitur : has omnes producta Britannia in oras.
Huic minor à zephyris, aſſiſtit Hybernia longè
Seuior, atq; magis nautis incognita noſtris :
Exiguæ has intercedunt Mona, Vectis, & Andros:
Quas ſuper ad Boream terdenꝝ in gurgite vaſto
Orchades, inter ſe ſpacijs equalibus abſunt :
Hinc aliaſ Verigon longè ſuper eminet omnes
Maxima, ad extremam pergens qua nauita Thulei
Tendit iter velis gelidoq; agitatur in alto :
A zephyris Thulem propior Grolandia tellus
Reſpicit : huic ingens ſubiecta Bachallaos ora,
Nondum exploratæ penitus, ſed littore ad Auſtrum
Perpetuò inflexæ, longè in zephyrumq; reductæ,
Hinc laboratoris tellus ſtat Hibernica contra
Littora, in occaſum Solis, quæ maxima rurfus
In zephyrum longè vertens, ſinuatur ad Auſtrum :

Atq; illam oblungo veluti freta ducta canali
Orbe alio abiungunt: populorum plurima terras
Vis habet: & præ se mites placidosq; ferentes
Ostentant vultus: at pinifer ora ministrat
Nauibus ingentes malos: hic prima Sienchis
Iam Laboratoris nostris plaga cognita terræ:
Mox & Cyrtanei inuenti, & ratione vigentes
Ascaletæ, exemptas auium rutilantibus alis
Nectere qui pennas variæq; intexere norunt:
Est etiam Chalco regio, sunt plurima culti
Arua soli, nec non horrentibus aspera dumis.
Ac niueo ventos superans mons vertice fumat:
Hic lacus est, salis latè stagnantibus vndis,
Qua medijs regalis aquis pulcherrima visu
Stat Venetæ exemplo fundata Themistitan vrbis
Metropolis, sedes magni ditissima regni.

Rursus ab Hispana ventis vrgentibus ora
Insulæ ad Occasum querantur in æquore vasto
Expositæ, Phœboq; viam ducente sequamur
Antipodum in patriam, Mundi noua regna reperti:
Vsq; per hesperios fines subeamus Eoos,
Circuitu & ducto sub terris vndiq; cursu.
Namq; decem versæ in Zephyrum sunt littora contra
Galleciæ Cassiterides: qua maxima plumbi
Vis albi nigriq; cauis educitur antris:
Atq; hinc brumales longè fulcantibus Altum
Solis in Occasus, occurrit in æquore tellus
Dessædæ, & Crucis, & pulcherrima Matinine,
Fœmineis lustrata choris: tum cernere cursu
Haud alio est Buchumæq; & fluminibus Guadalupen

Quattuor irriguam, & Diue de nomine dictas,
Ac Domini: tum que à monte appellata Ferato
Ardua: & excelsis pariter plaga montibus horret:
Canibalis infeste omnes: qui more ferarum
Artubus humanis inhiant, & lintribus oras
Circumeunt, prædamq; hominum sectantur opimam
Corpora, deceptas tam dira insania mentes
Abstulit, ah domitæ tandem masuescere gentes
Incipiant notaq; Deum pietate vereri,
Hinc alijs scatet Oceanus circumfluis oris,
Ægæi qualis terris aspersa profundis,
Est facies, Pardiq; notis variantia terga.
At Boreale magis dextraq; secantibus æquor
Insula in Occalum folio assimilata figuram
Castaneæ occurrens oculis Hispana propinquat
Ingens, ac geminis nuper regnata tyrannis:
In medio tellus montes Cimpaugis in altos
Erigitur, partesq; illinc labuntur in omnes
Quattuor Arebî, Sommæq; emissa fluenta,
Atq; Lachen, Maibasq; Noti diffusus in oras.
Nec vero Hispanis concesserit insula terris
Semina humo vegetare, citosq; effundere fructus:
Adde q; hic fontem comperta bituminis edit
Penuci regio: cuius pice promptior usus
Rimosas linire rates: at Cynthus ardens
Depilata virum rebusq; ignaua gerendis
Corpora, sub nigro tingit nec magna colore.
Hinc Cuba progressis ingens apparuit ultra
Insula: quam calidis fluuius perlabitur vndis.
Nec procul vndanti spumiant vada salsa refluxu

Incita, & inspersum cœu polline fluctuat æquor.
Non alio lamicam specularunt in æquore nautæ
Molli assurgentem sensim circum vndiq; cliuo,
Dum subit ad medium, qua se tum vertice summo
Exuperat, solersq; illi ac genus acre virorum est,
Et populum ingentem fœlicibus educat aruis.
Ast Æquatore propius Cozumela recessit
Pana soli facie, florentisq; insula campi,
Vnde procul suaes pelago diffantur odores.
Huic ingens auras contra Iucatana Fauoni
Hæret in Occasum; magnæ qua moribus vrbes
Compositis, priuæq; domus populisq; reguntur.
Hinc aliæ atq; aliæ tractu sunt insulæ eodem.
Elisæ, si iam puerorum sanguine diras
Defœdare manus vetitæ, cælisq; litare
Virginibus, tandem cœlestia numina in vno
Trina fide aprendere, Crucisq; piamina sanctæ:
Mox Vrabæ sinus in zephyrû, Nortumq; profundû
Spargitur, obiectoq; noui deprenditur Isthmo
Orbis, & australi Suroq; arcetur ab Alto;
Namq; vltra late Surum diffunditur æquor.
Hic Vrabæ confusa sinu Daniæ fluenta
Occiduū linquunt Orbem, quo littore pulsus
Regibus Hispanæ deducta Colonia gentis,
Hunc etiam deuecta sinum voluuntur in imum
Flumina Dabaidæ portis rumpentia septem.
Hic memorare nouas ex Æquatore patenteis
Incipiam terras, Antarcctica sidera contra
Expositas, vltra Tropicos, & in angulum euntes,
Quæq; soli faciem fermè duxere triquetram,

Et latus obiectant longe Borealibus auris
Excultum, populisq; frequens, atq; vrbibus omne.
Huius ad Auroram sanctæ Crucis angulus Aphros
Hesperiumq; Ceras contra, & caput aspicit atrum.
Atq; hic prima sedens boreali Tambala tractu
Plurima in Oceanum regio de montibus vrget
Flumina, quæis multo dulcis sapor immanet Alto:
Ac sinus est quo Margaridum conchilia egenis
Gentibus æquorea nonnulla leguntur in ora.
Hinc Curtana sequens producit optima tellus
In Zephyrum, cuius placidæ commertia gentes
Nostra petunt, vltroq; vocant in mœnia vectos:
Excipiunt imbres folijs & lignea palmæ
Tecta tegunt frondes: ipsi nudata gerentes
Corpora delectis hinc vnionibus aptant:
Multaq; visuntur syluis animalia in altis,
Et pictæ volucres circum nemora auia lustrant.
Occiduos vltra ad fines directæ secundum
Littora Chanchitis fertur mitissima tellus.
Quippe vbi nulla doli species aut noxia genti:
Nec struere insidias animis nec lædere norunt:
At non fœminei tardat custodia fexus.
Atq; ea torrenti quanquàm plaga subdita Zongæ est,
Nulla tamen torret Solis violentia terras,
At ver perpetuum & tepidas sine frigore luces
Experiuntur, & assiduis prouentibus agri,
Totaq; Gossipio est nullo plaga foeta colente.
Vtèrius contra Zephyros pulcherrima Tempe,
Et riguo spectanda solo viridaria frondent:
Illic eximie fœlix, at inhospita tellus,

Et populi

Et populi alterius fugiunt confortia gentis,
Missilibusq; arcant peregrinam à littore classem.
At latus Auroræ, Pariamq; australibus auris
Obiectam, ductasq; Draconis ad ostia terras,
Innumeræ celebrant intra & circum vndiq; gentes,
Multaq; littoreos contra iacet insula tractus:
Hic bene compositos artus, nudataq; membra
Nil efferre palam pudet, aut gestare verentur:
Hic placidæ aspectu & facies terebrantur honestæ
Ignibus impressis, interq; foramina gemmas
Plurima concinnant, sexuq; ea cura virili est.
Vlterius Surinautis quesita Profundi
Littora lustrantur, gentesq; & nomina Regum
Et Caxamalchæ memorant prædiuitis urbem.
Hinc etiam cursu ad Moluchas contendere terras
Instituunt, cœloq; notant noua signa sereno,
Donec in Eoos fines Cathaynaq; regna
Orbe pererrato pelagoq; hispana voluto.
Deueniat classis, nec sit locus vndiq; terris
Exiguus, nec sit magno sparsa æquore tellus
Optima quam lateant patefacti nuntia cœli,
Maiestasq; Dei qua non audita Deorum.
Quin globus atq; omnis deuexi machina Mundi
Structa Deo mandante, Dei virtutis imago est:
Ille hominum sensum exuperans, & debile lumen,
Haud aperit sese nobis, neq; libera monstrat
Ora, sed in speculo veluti & sub imagine præbet
Visendum interea, & multa mercede colendum:
Nos dilecta Deo quæsitæq; sanguine proles,
Quum cœli ornatum aspiciamus, voluentiaq; astra,

Et gemina ætherco labentia lumina Mundo,
An rerum tantarum opifex, genitorq; latebit
Omnipotens? an non illum coluisse iuuabit
Qui Soli impartit radios, qui lumina cælo,
Dat motus, retinetq; Polos, atq; influit astris?
Ac si quis iacto florentem semine campum
Insequitur, gaudetq; tuens vt pabula surgant,
Vt lætæ segetes, vt se noua suggerat arbos,
Et defecta sua pubescat vinea fronde,
Quiq; vice Autumni capitur, specieq; locorum,
An spirare Deum campis non norit in illis?
Ac notum æterno non illum ardebit amore?
Vmbrentem syluas, frugesq; per arua ferentem.
Et corrupta modis animantem semina miris.
Si vero thalami & dilectæ gaudia prolis
Pertentant, iuuat in gremio languescere amata.
Coniugis, & castos sobolis producere fructus.
At bona, læticiamq; tori, florémq; iuuentæ,
Quæq; animi optatæ dotes, quæ gloria formæ est,
Ipse dedit: Deus ipse animos, sensumq; ministrat,
Quæq; suos æquant obiecta iuuantia sensus.
Ac si cara adeo, si quem peritura morantur,
Ille quidem penitus diuini Luminis expers,
Inualida obfusas concepit mente tenebras,
Si non æternum pulchriq; boniq; Parentem
Prætulerit, gratisq; animis veneratus amabit.

Finis.

Ecquis in Aonio defessus vertice sedit,
Ecquis Castalias arridus hausit aquas :
Nulla quies reparat fractos his rupibus artus :
Sedat anhelantem Lympha nec illa sitim :
At pius humanos miserans leuat ipse labores
Christus, at æterno pectora fonte rigat. -


Q ij

AVGVSTÆ VINDELICO
rum Philippus Vlhardus excu-
debat. Anno
M. D. XLVIII.

THE
LIBRARY
OF THE
MUSEUM
OF
ART
AND
ARCHAEOLOGY
OF
THE
UNIVERSITY
OF
CAMBRIDGE

ADVISORY
COMMISSION
ON
THE
ARTS
AND
ARCHAEOLOGY
OF
THE
UNIVERSITY
OF
CAMBRIDGE







See *American* 11th 284 + *Adel* No 166 (does not list H. F.)
"The *Journal de l'Amérique* 1810
was interesting to the
American 1810 (1810) see P3 recto

Agosti (from Bergami) 1509-58

H548
A275h

~~8682~~

4967

